

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं

कृष्ण यजुर्वेदीय तैत्तिरीय संहिता पद पाठः
(वाक्य सहित)

चतुर्थकाण्डे द्वितीयः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Version Notes:

This is now the current Version 1.0 dated December 31, 2020.

1. This replaces the earlier version 0.0 dated August 31, 2019.
2. This version has been updated with the errors found and reported till December 15, 2020.
3. Required convention, style and presentation improvements or standardisations has been done wherever applicable.
4. Notify your corrections / suggestions etc to our email id vedavms@gmail.com

Earlier Versions

1st Version Number	0.0 dated 31st January 2019
2nd Version Number	0.0 dated 31st August 2019

Table of Contents

4 कृष्ण यजुर्वेदीय तैत्तिरीय संहितायां पद

पाठे चतुर्थं काण्डं 4

4.2 चतुर्थकाण्डे द्वितीयः प्रश्नः - देवयजनग्रहाभिधानं.....4

ओं नमः परमात्मने, श्री महागणपतये नमः,

श्री गुरुभ्यो नमः , हरिः ओं

4 कृष्ण यजुर्वेदीय तैत्तिरीय संहितायां पद पाठे

चतुर्थ काण्डं

4.2 चतुर्थकाण्डे द्वितीयः प्रश्नः – देवयजनग्रहाभिधानं

TS 4.2.1.1

विष्णोः॑ क्रमो॑ऽस्यभिमाति॑हा गाय॑त्रं छन्द॑ आ रो॑ह पृथि॑वीमनु॑
वि क्रम॑स्व निर्भक्तः॑ स यं द्विष्मो॑ विष्णोः॑ क्रमो॑ऽस्यभिश्स्ति॑हा
त्रैष्टु॑भं छन्द॑ आ रो॑हान्तरि॑क्षमनु॑ वि क्रम॑स्व निर्भक्तः॑ स यं द्विष्मो॑
विष्णोः॑ क्रमो॑ऽस्यरा॑तीयतो॑ हन्ता॑ जागतं॑ छन्द॑ आ रो॑ह दिव॑मनु॑
वि क्रम॑स्व निर्भक्तः॑ स यं द्विष्मो॑ विष्णोः॑ – [] 1

TS 4.2.1.1 - Padam

विष्णोः॑ । क्रमः॑ । अ॒सि॑ । अ॒भि॒मा॒ति॒हे॒त्य॑भि॒मा॒ति॑ – हा । गा॒य॒त्र॑म् ।
छन्दः॑ । ए॒ति॑ । रो॒ह॑ । पृ॒थि॒वी॑म् । अनु॑ । वी॒ति॑ । क्रम॑स्व ।
निर्भक्त॑ इति॒ निः – भक्तः॑ । सः । यम् । द्विष्मः॑ । विष्णोः॑ । क्रमः॑ ।

अ॒सि॒ । अ॒भि॒श॒स्ति॒हे॒त्य॒भि॒श॒स्ति॒ – हा॒ । त्रै॒ष्टु॒भम् । छ॒न्दः॑ ।
 ए॒ति॑ । रो॒ह॒ । अ॒न्त॒रि॒क्षम् । अ॒नु॑ । वी॒ति॑ । क्र॒म॒स्व॒ । नि॒र्भ॒क्त॒ इति॑
 निः – भ॒क्तः॑ । सः॑ । यम् । द्वि॒ष्मः॑ । वि॒ष्णोः॑ । क्र॒मः॑ । अ॒सि॒ ।
 अ॒रा॒ती॒यतः॑ । ह॒न्ता॑ । जा॒गत॑म् । छ॒न्दः॑ । ए॒ति॑ । रो॒ह॒ । दि॒वम्॑ ।
 अ॒नु॑ । वी॒ति॑ । क्र॒म॒स्व॒ । नि॒र्भ॒क्त॒ इति॑ निः – भ॒क्तः॑ । सः॑ । यम् ।
 द्वि॒ष्मः॑ । वि॒ष्णोः॑ । १ (50)

TS 4.2.1.2

क्र॒मो॑ऽसि॒ श॒त्रू॒यतो॑ ह॒न्ता॑ ऽऽनु॒ष्टु॒भं॑ छ॒न्द॒ आ॒ रो॒ह॒ दि॒शो॑ऽनु॒
 वि॒ क्र॒म॒स्व॒ नि॒र्भ॒क्तः॑ स॒ यं॑ द्वि॒ष्मः॑ ॥
 अ॒क्र॒न्द॒द॒ग्निः॑ स्त॒न॒य॒न्नि॒व॒ द्यौः॑ **क्षामा** रे॒रि॒हद्-वी॒रु॒धः॑ स॒म॒ज्ज॒न् ।
 स॒द्यो॑ ज॒ज्ञा॒नो॑ वि॒ ही॒मि॒द्धो॑ अ॒ख्य॒दा॑ रो॒द॒सी॑ भा॒नु॒ना॑ भा॒त्य॒न्तः॑ ॥
 अ॒ग्ने॑ऽभ्या॒व॒र्ति॒न्न॒भि॒ न॒ आ॑ व॒र्त॒स्वा॑ऽऽयु॒षा॑ व॒र्च॒सा॑ स॒न्या॑ मे॒धया॑
 प्र॒जया॑ ध॒ने॒न॑ ॥
 अ॒ग्ने॑ – [] २

TS 4.2.1.2 - Padam

क्रमः॑ । असि॑ । शत्रू॑यत इति॑ शत्रु॑ – यतः॑ । हन्ता॑ ।
आनु॑ष्टुभ॒मित्यानु॑ – स्तु॒भम् । छन्दः॑ । एति॑ । रोह॑ । दिशः॑ । अनु॑ ।
वीति॑ । क्र॒मस्व॑ । निर्भ॑क्त इति॑ निः – भ॒क्तः । सः । यम् । द्वि॒ष्मः ॥
अक्र॑न्दत् । अ॒ग्निः । स्त॒नयन्॑ । इ॒व । द्यौः॑ । क्षाम॑ । रे॒रिहत्॑ ।
वी॒रुधः॑ । स॒मज्ज॑न्निति॑ सं – अ॒ज्जन् ॥ स॒द्यः । ज॒ज्ञानः॑ । वीति॑ ।
हि । ई॒म् । इ॒द्धः । अ॒ख्यत् । एति॑ । रो॒दसी॑ इति॑ । भानु॑ना॑ । भा॒ति ।
अ॒न्तः ॥ अ॒ग्ने॑ । अ॒भ्याव॑र्तिन्नित्य॑भि – आ॒वर्ति॑न् । अ॒भीति॑ । नः ।
एति॑ । वर्त॑स्व । आ॒युषा॑ । वर्च॑सा । स॒न्या । मे॒धया॑ ॥
प्र॒जयेति॑ प्र – जया॑ । धने॑न ॥ अ॒ग्ने॑ । 2 (50)

TS 4.2.1.3

अ॒ङ्गिरः॑ श॒तं ते॑ स॒न्त्वावृ॑तः स॒हस्रं॑ त उ॒पावृ॑तः ।
तासां॑ पोष॑स्य पोषे॑ण पु॒नर्नो॑ नष्ट॒मा कृ॑धि पु॒नर्नो॑ रयि॒मा कृ॑धि ॥
पु॒नरूर्जा॑ नि वर्त॑स्व पु॒नरग्न॑ इ॒षाऽऽयु॑षा ।
पु॒नर्नः॑ पाहि॑ विश्व॑तः ॥
स॒ह र॒य्या नि॑ वर्त॑स्वाग्ने॒ पिन्व॑स्व धा॒रया॑ ।

वि॒श्व॒प्सि॒न्ना॒या॒ वि॒श्व॒ त॒स्प॒रि॒ ॥

उ॒दु॒त्त॒मं॑ व॒रु॒ण॒ पा॒श॒-म॒स्म॒द॒वा॒ध॒मं॑ – [] 3

TS 4.2.1.3 - Padam

अ॒ङ्गि॒रः॑ । श॒त॒म् । ते॒ । स॒न्तु॒ । आ॒वृ॒त॒ इ॒त्या॑-वृ॒तः॑ ॥ स॒ह॒स्र॑म् । ते॒ ।
उ॒पा॒वृ॒त॒ इ॒त्यु॒प॒-आ॒वृ॒तः॑ ॥ ता॒सा॒म् । पो॒ष॒स्य॑ । पो॒षे॒ण॑ । पु॒नः॑ । नः॑ ।
न॒ष्ट॒म् । ए॒ति॑ । कृ॒धि॒ । पु॒नः॑ । नः॑ । र॒यि॒म् । ए॒ति॑ । कृ॒धि॒ ॥ पु॒नः॑ ।
ऊ॒र्जा॑ । नी॒ति॑ । व॒र्त॒स्व॒ । पु॒नः॑ । अ॒ग्ने॑ । इ॒षा॑ । आ॒यु॒षा॑ ॥ पु॒नः॑ ।
नः॑ । पा॒हि॒ । वि॒श्व॒तः॑ ॥ स॒ह॒ । र॒य्या॑ । नी॒ति॑ । व॒र्त॒स्व॒ । अ॒ग्ने॑ ।
पि॒न्व॒स्व॒ । धा॒र॒या॑ ॥ वि॒श्व॒प्सि॒न्ना॒ये॒ति॑ वि॒श्व॒-प्सि॒न्ना॒या॑ । वि॒श्व॒तः॑ । परि॑ ॥
उ॒दि॒ति॑ । उ॒त्त॒म॒मि॒त्यु॒त्-त॒म॒म् । व॒रु॒ण॒ । पा॒श॒म् । अ॒स्म॒त् । अ॒वे॒ति॑ ।

अ॒ध॒म॒म् । 3 (50)

TS 4.2.1.4

वि॑ म॒द्ध्य॒म॒ श्र॒था॒य॒ ।

अथा॑ व॒य॒मा॒दि॒त्य॒ व्र॒ते॑ त॒वा॒ना॒ग॒सो॑ अ॒दि॒त॒ये॑ स्या॒म॒ ॥

आ॒ त्वा॑ ऽहार्॒ष॒-म॒न्त॒र॒भूर्द्ध्रु॑व॒स्ति॒ष्ठा॑ऽवि॒चा॒च॒लिः॑ ।

वि॒श॒स्त्वा॑ सर्वा॑ वा॒ञ्छ॒न्त्व॒स्मि॒न् रा॒ष्ट्र॒म॒धि॑ श्र॒य॒ ॥

अग्ने॑ बृ॒हन्नु॑ष॒सामूर्द्ध॑वो अ॒स्थान्निर्ज॑ग्मि॒वान्-तम॑सो
ज्योति॑षा ऽऽ *गात् ॥

अग्नि॑र्भानु॒ना रु॑शता॒ स्वङ्ग॑ आ जा॒तो विश्वा॑ सद्भान्य॒प्राः ॥

सीद॑ त्वं मा॒तुर॒स्या - [] 4

TS 4.2.1.4 - Padam

वी॑ति । म॒द्ध्य॒मम् । श्र॒थाय॑ ॥ अथ॑ । व॒यम् । आ॒दि॒त्य । व्र॒ते । तव॑ ।
अना॑गसः । अदि॑तये । स्या॒म ॥ ए॒ति । त्वा । अ॒हार्ष॑म् । अ॒न्तः ।
अ॒भूः । ध्रु॒वः । तिष्ठ॑ । अ॒वि॒चा॒चलि॑रि॒त्यवि॑ - चा॒चलिः॑ ॥ वि॒शः ।
त्वा । सर्वाः॑ । वाञ्छ॑न्तु । अ॒स्मिन् । रा॒ष्ट्रम् । अधी॑ति । श्र॒य ॥
अग्ने॑ । बृ॒हन् । उ॒ष॒साम् । ऊ॒र्द्ध॑वः । अ॒स्थात् । नि॒र्ज॒ग्मि॒वानि॑ति
निः - ज॒ग्मि॒वान् । तम॑सः । ज्योति॑षा । ए॒ति । अ॒गात् ॥ अ॒ग्निः ।
भानु॑ना । रु॑शता । स्व॒ङ्ग इति॑ सु - अ॒ङ्गः । ए॒ति । जा॒तः । विश्वा॑ ।
सद्भानि॑ । अ॒प्राः ॥ सीद॑ । त्वम् । मा॒तुः । अ॒स्याः । 4 (50)

TS 4.2.1.5

उप॑स्थे विश्वा॒न्यग्ने॑ व॒यु॒नानि॑ वि॒द्वान् ।
मैना॑म॒र्चि॒षा मा॑ तप॒साऽभि॑ शू॒शु॒चोऽन्तर॑स्याꣳ शु॒क्रज्योति॑र्वि॒ भाहि॑ ॥

अ॒न्तर॑ग्ने रु॒चा त्व॑मु॒खायै॑ स॒दने॑ स्वे ।

तस्या॑स्त्व॒र् हर॑सा तप॒ञ्जात॑वेदः शिवो भव ॥

शिवो भू॒त्वा मह्य॑मग्नेऽथो॑ सीद शिवस्त्वं ।

शिवाः कृ॒त्वा दि॒शः सर्वाः॑ स्वां यो॒निमि॑हाऽऽ स॒दः ॥

ह॒र्षः शु॒चिष॑द् () वसु॒रन्तरि॑क्ष-स॒द्धोता॑ वेदिष॒दति॑थि दु॒रोण॑सत् ।

नृष॑द्-वर॒सद् ऋ॒तस॑द् व्यो॒मस॑-द॒ब्जा गो॒जा ऋ॒तजा॑ अ॒द्रिजा॑

ऋ॒तं बृ॒हत् ॥ 5

TS 4.2.1.5 - Padam

उप॒स्थ इ॒त्युप॑ - स्थे । विश्वा॑नि । अ॒ग्ने । व॒युना॑नि । वि॒द्वान् ॥ मा ।

ए॒नाम् । अ॒र्चिषा॑ ॥ मा । तप॑सा । अ॒भीति॑ । शू॒शुचः॑ । अ॒न्तः ।

अ॒स्याम् । शु॒क्रज्यो॑तिरिति शु॒क्र-ज्यो॑तिः । वी॒ति । भा॒हि ॥ अ॒न्तः ।

अ॒ग्ने । रु॒चा । त्वम् । उ॒खायै॑ । स॒दने॑ । स्वे ॥ तस्याः॑ । त्वम् ।

हर॑सा । तप॒न् । जा॒तवे॑द इति जा॒त-वे॑दः । शिवः॑ । भव ॥ शिवः॑ ।

भू॒त्वा । मह्य॑म् । अ॒ग्ने । अथो॑ इति । सी॒द । शिवः॑ । त्वम् ॥ शिवाः॑ ।

कृ॒त्वा । दि॒शः । सर्वाः॑ । स्वा॒म् । यो॒निम् । इ॒ह । ए॒ति । अ॒सदः॑ ॥

ह॒सः॑ । शु॒चि॒षदि॑ति शु॒चि – सत् () । वसुः॑ ।

अ॒न्तरि॑क्षसदित्यन्तरि॑क्ष – सत् । हो॒ता॑ । वे॒दि॒षदि॑ति वे॒दि – सत् ।

अ॒ति॒थिः॑ । दु॒रो॒णसदि॑ति दु॒रो॒ण – सत् ॥ नृ॒षदि॑ति नृ – सत् ।

व॒रसदि॑ति व॒र–सत् । ऋ॒तसदि॑त्यृत–सत् । व्यो॒मसदि॑ति व्यो॒म–सत् ।

अ॒ब्जा इत्य॑प्–जाः । गो॒जा इति॑ गो–जाः । ऋ॒तजा इत्य॑त – जाः ।

अ॒द्रिजा इत्य॑द्रि – जाः । ऋ॒तम् । बृ॒हत् ॥ 5 (66)

(दि॒वम॒नु वि क्र॑मस्व॒ निर्भ॑क्तः स यन् द्वि॒ष्मो वि॒ष्मो – र्द्ध॑नेनाग्ने॑

– ऽध॑म – म॒स्याः – शु॒चि॒षथ् – षोड॑श च) (A1)

TS 4.2.2.1

दि॒वस्परि॑ प्रथ॒मं ज॑ज्ञे अ॒ग्नि॒रस्मद् द्वि॒तीयं॑ परि॒ जा॒तवे॑दाः ।

तृ॒तीय॑म॒प्सु नृ॒मणा॑ अ॒जस्र॑मिन्धान॒ एनं॑ ज॒रते॑ स्वा॒धीः ॥

वि॒द्या ते अ॒ग्ने त्रे॒धा त्रया॑णि **वि॒द्या** ते स॒द्य वि॑भृतं पुरु॒त्रा ।

वि॒द्या ते नाम॑ पर॒मं गु॒हा यद्–वि॒द्या तमु॑त्सं यत॑ आज॒गन्थ॑ ॥

स॒मु॒द्रे त्वा॑ नृ॒मणा॑ अ॒प्स्वन्त॑र्नृ॒चक्षा॑ ई॒धे दि॒वो अ॒ग्न ऊ॑धन् ।

तृ॒तीयै॑ त्वा – [] 6

TS 4.2.2.1 - Padam

दिवः । परीति । प्रथमम् । जज्ञे । अग्निः । अस्मत् । द्वितीयम् ।
परीति । जातवेदा इति जात – वेदाः ॥ तृतीयम् । अफिस्वत्यप्-सु ।
नृमणा इति नृ – मनाः । अजस्रम् । इन्धानः । एनम् । जरते ।
स्वाधीरिति स्व-धीः ॥ विद्म । ते । अग्ने । त्रेधा । त्रयाणि । विद्म ।
ते । सद्म । विभृतमिति वि – भृतम् । पुरुत्रेति पुरु – त्रा ॥ विद्म ।
ते । नाम । परमम् । गुहा । यत् । विद्म । तम् । उथ्सम् । यतः ।
आजगन्थेत्या – जगन्थ ॥ समुद्रे । त्वा । नृमणा इति नृ – मनाः ।
अफिस्वत्यप्- सु । अन्तः । नृचक्षा इति नृ-चक्षाः । ईधे । दिवः ।
अग्ने । ऊधन् ॥ तृतीये । त्वा । 6 (50)

TS 4.2.2.2

रजसि तस्थिवाँस-मृतस्य योनौ महिषा अहिन्वन् ॥
अक्रन्ददग्निः स्तनयन्निव द्यौः क्षामा रेरिहद्-वीरुधः समञ्जन् ।
सद्यो जज्ञानो वि हीमिद्धो अख्यदा रोदसी भानुना भात्यन्तः ॥
उशिक् पावको अरतिः सुमेधा मर्तष्वग्निरमृतो निधायि ।

इ॒य॒र्ति॑ धू॒म॒म॒रु॒षं॑ भ॒रि॑भ्र॒दु॒च्छु॒क्रेण॑ शो॒चि॒षा॒ द्या॒मि॒नक्ष॑त् ॥

वि॒श्व॑स्य॒ के॒तु॒र्भु॒वन॑स्य॒ गर्भ॑ आ – [] 7

TS 4.2.2.2 - Padam

र॒ज॒सि॑ । त॒स्थि॒वा॒स॒म् ॥ ऋ॒त॒स्य॑ । यो॒नौ ॥ म॒हि॒षाः । अ॒हि॒न्व॒न् ॥

अ॒क्र॒न्द॒त् । अ॒ग्निः॑ । स्त॒न॒य॒न् । इ॒व । द्यौः॑ । क्षा॒म । रे॒रि॒ह॒त् ।

वी॒रु॒धः । स॒म॒ज्ज॒न्नि॒ति॑ सं – अ॒ज्ज॒न् ॥ स॒द्यः॑ । ज॒ज्ञा॒नः । वी॒ति॑ ।

हि॑ । ई॒म् । इ॒द्धः॑ । अ॒ख्य॑त् । ए॒ति॑ । रो॒द॒सी॑ इ॒ति॑ । भा॒नु॒ना॑ ॥ भा॒ति॑ ।

अ॒न्तः ॥ उ॒शि॒क् । पा॒व॒कः॑ । अ॒र॒तिः॑ । सु॒मे॒धा॑ इ॒ति॑ सु – मे॒धाः॑ ।

म॒र्ते॑षु । अ॒ग्निः॑ । अ॒मृ॒तः॑ । नी॒ति॑ । धा॒यि ॥ इ॒य॒र्ति॑ । धू॒म॒म् ।

अ॒रु॒ष॒म् । भ॒रि॑भ्र॒त् । उ॒दि॒ति॑ । शु॒क्रेण॑ । शो॒चि॒षा॑ । द्या॒म् । इ॒नक्ष॑त् ॥

वि॒श्व॑स्य । के॒तुः॑ । भु॒व॒न॑स्य । गर्भः॑ । ए॒ति॑ । 7 (50)

TS 4.2.2.3

रो॒द॒सी॑ अ॒पृ॒णा॒ज्जा॒य॒मा॒नः॑ ।

वी॒डुं॑ चि॒द॒द्रि॑-म॒भि॒न॒त् प॒रा॒य॒न् ज॒ना॒ यद॒ग्नि॑म॒य॒ज॒न्त॒ पञ्च॑ ॥

श्री॒णा॒मु॒दा॒रो॑ ध॒रु॒णो॑ र॒यी॒णां॑ म॒नी॒षा॒णां॑ प्रा॒र्ष॒णः॑ सो॒म॒गो॒पाः॑ ।

व॒सोः॑ सू॒नुः॑ स॒ह॒सो॑ अ॒प्सु॑ रा॒जा॒ वि॒ भा॒त्य॒ग्र उ॒ष॒सा॑मि॒धा॒नः॑ ॥

यस्ते॑ अ॒द्य कृ॒णवद्-भद्र॑शो॒चेऽपू॑पं दे॒व घृ॒तव॑न्तमग्ने ।
 प्र तं॑ नय प्र॒तरां॑ व॒स्यो॒ अ॒च्छा॒भि द्यु॒म्नं॑ दे॒वभ॑क्तं य॒विष्ट॑ ॥

आ - [] 8

TS 4.2.2.3 - Padam

रो॒द॒सी॒ इति॑ । अ॒पृ॒णात् । जा॒य॒मा॒नः ॥ वी॒डु॒म् । चि॒त् । अ॒द्रि॒म् ॥
 अ॒भि॒नत् । प॒रा॒य॒न्नि॒ति॒ प॒रा - य॒न् । ज॒नाः॑ । यत् । अ॒ग्नि॒म् ।
 अ॒य॒ज॒न्त । प॒ञ्च ॥ श्री॒णा॒म् । उ॒दा॒रः । ध॒रु॒णः । र॒यी॒णा॒म् ।
 म॒नी॒षा॒णा॒म् ॥ प्रा॒र्प॒ण इति॑ प्र - अ॒र्प॒णः । सो॒म॒गो॒पा इति॑
 सो॒म - गो॒पाः ॥ व॒सोः॑ । सू॒नुः । स॒ह॒सः । अ॒फि॒स्व॒त्यप्- सु ।
 रा॒जा ॥ वी॒ति॑ । भा॒ति॑ । अ॒ग्रे ॥ उ॒ष॒सा॒म् । इ॒धा॒नः ॥ यः । ते ।
 अ॒द्य । कृ॒णव॑त् । भ॒द्र॒शो॒च इति॑ भ॒द्र - शो॒चे । अ॒पू॒पम् । दे॒व ।
 घृ॒तव॑न्तमि॒ति॑ घृ॒त - व॒न्तम् । अ॒ग्ने ॥ प्रे॒ति॑ । तम् । न॒य ।
 प्र॒तरा॑मि॒ति॑ प्र - त॒राम् । व॒स्यः॑ । अ॒च्छ । अ॒भी॒ति॑ । द्यु॒म्नम् ।
 दे॒वभ॑क्तमि॒ति॑ दे॒व - भ॒क्तम् । य॒विष्ट॑ ॥ ए॒ति॑ । 8 (50)

TS 4.2.2.4

तं भज सौश्रवसेष्वग्न उक्थउक्थ आ भज शस्यमाने ।
 प्रियः सूर्ये प्रियो अग्ना भवात्युज्जातेन भिनददुज्जनित्वैः ॥
 त्वामग्ने यजमाना अनु द्यून् विश्वा वसूनि दधिरे वार्याणि ।
 त्वया सह द्रविणमिच्छमाना व्रजं गोमन्तमुशिजो वि वव्रुः ॥
 दृशानो रुक्म उर्व्या व्यद्यौद्-दुर्मर्षमायुः श्रिये रुचानः ।
 अग्निरमृतो अभवद्-वयोभिर्यदे- () -नं द्यौरजनयथ सुरेताः ॥ 9

TS 4.2.2.4 - Padam

तम् । भज । सौश्रवसेषु । अग्ने । उक्थउक्थ इत्युक्थे – उक्थे ।
 एति । भज । शस्यमाने ॥ प्रियः । सूर्ये । प्रियः । अग्ना । भवाति ।
 उदिति । जातेन । भिनदत् । उदिति । जनित्वैः ॥ त्वाम् । अग्ने ।
 यजमानाः । अन्विति । द्यून् । विश्वा । वसूनि । दधिरे । वार्याणि ॥
 त्वया । सह । द्रविणम् । इच्छमानाः । व्रजम् । गोमन्तमिति
 गो – मन्तम् । उशिजः । वीति । वव्रुः ॥ दृशानः । रुक्मः ।
 उर्व्या । वीति । अद्यौत् । दुर्मर्षमिति दुः – मर्षम् । आयुः ।

श्रिये । रु॒चा॒नः ॥ अ॒ग्निः । अ॒मृतः । अ॒भ॒वत् । वयो॑भि॒रिति॑
वयः – भिः । यत् () । ए॒नम् । द्यौः । अ॒ज॒न॒यत् ।

सुरे॒ता इति॑ सु – रेताः ॥ 9 (54)

(तृ॒तियं॑ त्वा – गर्भ॑ आ – य॒विष्ठाऽऽ – य – च॒त्वारि॑ च) (A2)

TS 4.2.3.1

अ॒न्न॒प॒तेऽन्न॑स्य॒ नो दे॒ह्य॒न॒मी॒व॒स्य॑ शु॒ष्मि॒णः ।
प्र॒ प्र॒दा॒ता॒रं॑ ता॒रि॒ष ऊ॒र्जं॑ नो॒ धे॒हि॒ द्वि॒प॒दे॒ च॒तु॒ष्प॒दे ॥
उ॒दु॒ त्वा॒ वि॒श्वे॑ दे॒वा अ॒ग्ने॒ भ॒र॒न्तु॑ चि॒त्ति॒भिः ।
स॒ नो॑ भ॒व शि॒व॒त॒मः॑ सु॒प्र॒ती॒को॑ वि॒भा॒व॒सुः ॥
प्रे॒द॒ग्ने॒ ज्यो॑ति॒ष्मान्॒ या॒हि॒ शि॒वे॒भि॒र॒र्चि॑भि॒स्त्वं ।
बृ॒ह॒द्भि॑-र्भा॒नु॒भि-र्भा॒स॒न् मा॒ हि॒॒सी॒ स्त॒नु॒वा॑ प्र॒जाः ॥
स॒मि॒धाऽग्निं॑ दु॒व॒स्य॑त॒ घृ॒तैर्बो॑ध॒य॒ता॒ति॒थिं॑ ।

आ – [] 10

TS 4.2.3.1 - Padam

अ॒न्न॒प॒त इत्य॑न्न – प॒ते । अ॒न्न॒स्य॑ । नः । दे॒हि॒ । अ॒न॒मी॒व॒स्य॑ ।
शु॒ष्मि॒णः ॥ प्रे॒ति॑ । प्र॒दा॒ता॒र॒मि॒ति॑ प्र – दा॒ता॒र॒म् । ता॒रि॒षः । ऊ॒र्ज॑म् ।

नः । धे॒हि । द्वि॒पद॑ इति॑ द्वि – पदे॑ ॥ चतु॑ष्पद॒ इति॑ चतुः – पदे॑ ॥
 उदि॑ति । उ । त्वा । विश्वे॑ ॥ दे॒वाः । अग्ने॑ ॥ भ॒रन्तु॑ ।
 चि॒त्ति॑भि॒रिति॑ चि॒त्ति – भिः ॥ सः । नः । भ॒व ।
 शि॒वत॑म॒ इति॑ शि॒व – तमः॑ । सु॒प्रती॑क॒ इति॑ सु – प्रती॑कः ।
 वि॒भा॒व॒सु॒रिति॑ वि॒भा-व॒सुः ॥ प्रेति॑ । इत् । अग्ने॑ । ज्योति॑ष्मान् ।
 या॒हि । शि॒वेभिः॑ । अ॒र्चि॑भि॒रित्य॒र्चि – भिः । त्वम् ॥ बृ॒हद्भि॒रिति॑
 बृ॒हत् – भिः । भा॒नुभि॒रिति॑ भा॒नु – भिः । भा॒सन् । मा ।
 हि॒ंसीः । त॒नुवा॑ ॥ प्र॒जा इति॑ प्र – जाः ॥ स॒मिधे॑ति॒ सं – इधा॑ ॥
 अ॒ग्निम् । दु॒वस्य॑त । घृ॒तैः । बो॒धय॑त । अ॒तिथि॑म् ॥ ए॒ति । 10 (50)

TS 4.2.3.2

ऽस्मिन्॑ ह॒व्या जु॑होतन ॥

प्र॒प्रा॒यम॒ग्नि॑र्भ॒रत॑स्य॒ शृण्वे॑ वि॒ यथ् सूर्यो॑ न रोच॑ते बृ॒हद् भाः॑ ।
 अ॒भि यः पू॒रुं पृ॑त॒नासु॑ त॒स्थौ दी॒दाय॑ दै॒व्यो अ॒तिथिः॑ शि॒वो नः॑ ॥
 आ॒पो दे॒वीः प्र॑ति॒ गृह्णी॑त॒ भस्मै॒तथ् स्यो॒ने कृ॑णु॒ध्वञ्
 सु॒रभा॑वु॒ लोके॑ ।

तस्मै॑ नमन्तां॑ जनयः॑ सु॒पत्नी॑र्म॒तिव॑ पु॒त्रं बि॑भृता॒ स्वेन॑ ॥

अ॒फ॒स्व॒ग्ने॑ स॒धि॒ष्टव॑- [] 11

TS 4.2.3.2 - Padam

अ॒स्मिन् । ह॒व्या । जु॒हो॒त॒न ॥ प्र॒प्रे॒ति प्र - प्र । अ॒यम् । अ॒ग्निः ।
भ॒र॒त॒स्य॑ । शृ॒ण्वे॑ । वी॒ति॑ । यत् । सूर्यः॑ । न । रो॒च॒ते । बृ॒हत् ।
भाः ॥ अ॒भी॒ति॑ । यः । पू॒रुम् । पृ॒त॒ना॒सु । त॒स्थौ॑ । दी॒दा॒य ।
दै॒व्यः । अ॒ति॒थिः॑ । शि॒वः । नः ॥ आ॒पः । दे॒वीः । प्र॒ती॒ति॑ । गृ॒ह्णी॑त ।
भ॒स्म । ए॒तत् । स्यो॒ने॑ । कृ॒णु॒ध्वम् । सु॒र॒भौ॑ । उ । लो॒के ॥ तस्मै॑ ।
नमन्ता॑म् । जनयः॑ । सु॒पत्नी॑रि॒ति सु - पत्नीः॑ । मा॒ता । इ॒व ।
पु॒त्रम् । बि॒भृ॒त । स्वि॒ति॑ । ए॒नम् ॥ अ॒फि॒स्व॒त्यप् - सु । अ॒ग्ने॑ ।
स॒धिः । तव॑ । 11 (50)

TS 4.2.3.3

सौष॑धी॒रनु॑ रु॒द्ध्य॑से ।

ग॒र्भे॑ स॒ञ्जा॑यसे पु॒नः ॥

ग॒र्भो॑ अ॒स्यो॑ष॒धीनां॑ ग॒र्भो॑ व॒न॒स्प॒तीनां॑ ।

ग॒र्भो॑ वि॒श्व॑स्य भू॒त॒स्या॒ग्ने॑ ग॒र्भो॑ अ॒पा॒म॒सि ॥

प्र॒सद्य॑ भ॒स्मना॑ यो॒निम॑पश्च॒ पृथि॑वीम॒ग्ने ।

सꣳसृ॑ज्य॒ मातृ॑भिस्त्वं॒ ज्योति॑ष्मान् पु॒नराꣳꣳ *सदः॑ ॥

पुन॑-रासद्य॒ सदन॑मपश्च॒ पृथि॑वीम॒ग्ने ।

शोषे॑ मा॒तुर्य॑थोप॒स्थे ऽन्तर॑स्याꣳ शि॒वत॑मः ॥

पुन॑रूर्जा - [] 12

TS 4.2.3.3 - Padam

सः । ओष॑धीः । अ॒न्विति॑ । रु॒द्ध्य॑से ॥ गर्भे॑ । सन् । जा॒यसे॑ ।

पुनः॑ ॥ गर्भः॑ । अ॒सि । ओष॑धीनाम् । गर्भः॑ । व॒नस्प॑तीनाम् ॥ गर्भः॑ ।

विश्व॑स्य । भू॒तस्य॑ । अ॒ग्ने॑ । गर्भः॑ । अ॒पाम् । अ॒सि ॥ प्र॒सद्येति॑

प्र - सद्य॑ । भ॒स्मना॑ । यो॒निम् । अ॒पः । च । पृथि॑वीम् । अ॒ग्ने ॥

सꣳसृ॑ज्येति सं - सृ॒ज्य । मा॒तृभि॑रिति मा॒तृ - भिः । त्वम् ।

ज्योति॑ष्मान् । पुनः॑ । एति॑ । अ॒सदः॑ ॥ पुनः॑ । आ॒सद्ये॑त्या-सद्य॑ ।

सदन॑म् । अ॒पः । च । पृथि॑वीम् । अ॒ग्ने ॥ शोषे॑ । मा॒तुः । यथा॑ ।

उप॑स्थ इत्युप - स्थे । अ॒न्तः । अ॒स्याम् ।

शि॒वत॑म इति शि॒व - तमः॑ ॥ पुनः॑ । ऊ॒र्जा । 12 (50)

TS 4.2.3.4

नि॑ वर्त॑स्व पुन॑रग्न॑ इ॒षा ऽऽयु॑षा ।

पुन॑र्नः पा॒हि विश्व॑तः ॥

स॒ह र॒य्या नि॑ वर्त॑स्वाग्ने॒ पिन्व॑स्व धा॒रया॑ ।

विश्व॑प्सि॒नया॑ विश्व॑तस्परि॑ ॥

पुन॑स्त्वा ऽऽदि॒त्या रु॒द्रा वस॑वः॒ समि॑न्धतां पुन॑र्ब्र॒ह्माणो॑ वसु॒नीथ॑ य॒ज्ञैः ।

घृ॒तेन॑ त्वं त॒नुवो॑ वर्द्ध॑यस्व स॒त्याः सन्तु॑ यज॒मान॑स्य॒ कामाः॑ ॥

बोधा॑ नो अ॒स्य वच॑सो यवि॒ष्ठ म॒हिष्ठ॑स्य प्रभृ॑तस्य स्वधावः ।

पी॒यति॑ त्वो अनु॑ () त्वो गृ॒णाति॑ व॒न्दारु॑स्ते त॒नुवं व॑न्दे अग्ने ॥

स बो॑धि सू॒रिर्म॒घवा॑ वसु॒दावा॑ वसु॒पतिः॑ ।

युयो॑द्ध्यस्मद् द्वेषा॑सि ॥ 13

TS 4.2.3.4 - Padam

नी॑ति । वर्त॑स्व । पुनः॑ । अग्ने॑ । इ॒षा । आयु॑षा ॥ पुनः॑ । नः॑ । पा॒हि ।

विश्व॑तः ॥ स॒ह । र॒य्या । नी॑ति । वर्त॑स्व । अग्ने॑ । पिन्व॑स्व । धा॒रया॑ ॥

विश्व॑प्सि॒नयेति॑ विश्व॑ – प्सि॒नया॑ । विश्व॑तः । परि॑ ॥ पुनः॑ । त्वा॑ ।

आ॒दि॒त्याः । रु॒द्राः । वस॑वः । समि॑ति । इ॒न्धता॑म् । पुनः॑ । ब्र॒ह्माणः॑ ।

वसुनीथेति वसु-नीथ । यज्ञैः ॥ घृतेन । त्वम् । तनुवः ।
 वर्द्धयस्व । सत्याः । सन्तु । यजमानस्य । कामाः ॥ बोध । नः ।
 अस्य । वचसः । यविष्ठ । म॒हिष्ठस्य । प्रभृतस्येति प्र – भृतस्य ।
 स्वधाव इति स्वधा – वः ॥ पीयति । त्वः । अन्विति () । त्वः ।
 गृणाति । वन्दारुः । ते । तनुवम् । वन्दे । अग्ने ॥ सः । बोधि ।
 सूरिः । मघवेति मघ – वा । वसुदावेति वसु – दावा ॥
 वसुपतिरिति वसु – पतिः ॥ युयोधि । अस्मत् । द्वेषा॑सि ॥ 13 (66)

(आ – तवो – र्जा – ऽनु – षोडश च) (A3)

TS 4.2.4.1

अपेत वीत वि च सर्पतातो येऽत्र स्थ पुराणा ये च नूतनाः ।
 अदादिदं यमोऽवसानं पृथिव्या अक्रन्निमं पितरो लोकमस्मै ॥
 अग्नेर्भस्मास्यग्नेः पुरीषमसि संज्ञानमसि कामधरणं मयि ते
 कामधरणं भूयात् ॥
 सं या वः प्रियास्तनुवः सं प्रिया हृदयानि वः ।
 आत्मा वो अस्तु – [] 14

TS 4.2.4.1 - Padam

अपेति॑ । इ॒त । वी॑ति । इ॒त । वी॑ति । च । सर्प॑त । अतः॑ । ये ।
 अत्र॑ । स्थ । पु॒रा॒णाः । ये । च । नू॒त॒नाः ॥ अ॒दात् । इ॒दम् । यमः॑ ।
 अ॒व॒सा॒न॒मि॒त्य॒व – सा॒नम् ॥ पृ॒थि॒व्याः । अ॒क्र॒न् । इ॒मम् । पि॒तरः॑ ।
 लो॒कम् । अ॒स्मै ॥ अ॒ग्नेः । भ॒स्म । अ॒सि । अ॒ग्नेः । पु॒री॒षम् ।
 अ॒सि । सं॒ज्ञा॒न॒मि॒ति सं – ज्ञा॒नम् ॥ अ॒सि । का॒म॒ध॒र॒ण॒मि॒ति
 का॒म – ध॒र॒णम् । म॒यि । ते । का॒म॒ध॒र॒ण॒मि॒ति का॒म – ध॒र॒णम् ।
 भू॒यात् ॥ स॒मि॒ति । याः । वः । प्रि॒याः । त॒नु॒वः । स॒मि॒ति । प्रि॒या ।
 हृ॒द॒या॒नि । वः ॥ आ॒त्मा । वः । अ॒स्तु ॥ 14 (50)

TS 4.2.4.2

संप्रि॑यः संप्रि॑यास्तनु॒वो म॒म ॥
 अ॒यꣳ सो अ॒ग्नि॒र्य॒स्मिन्त्-सो॒म॒मि॒न्द्रः सु॒तं द॒धे ज॒ठरे॑ वाव॒शानः॑ ।
 स॒ह॒स्रि॒यं वा॒ज॒म॒त्यं न स॒प्तिꣳ स॒स॒वा॒न्त्-स॒न्त्-स्तू॒य॒से जा॒त॒वे॒दः ॥
 अ॒ग्ने दि॒वो अ॒र्ण॒म॒च्छा॑ जिगा॒स्य॒च्छा॑ दे॒वाꣳ ऊ॒चि॒षे धि॒ष्णि॒या ये ।
 याः प॒र॒स्ताद्-रो॒च॒ने सूर्य॑स्य॒ याश्चा॑ व॒स्ता-दु॒प॒ति॒ष्ठ॒न्त आपः॑ ॥
 अ॒ग्ने यत् ते दि॒वि वर्चः॑ पृ॒थि॒व्यां य॑दोष॒धीष्व॑ – [] 15

TS 4.2.4.2 - Padam

संप्रि॑य इति॑ सं-प्रि॒यः । संप्रि॑या इति॑ सं - प्रि॒याः । तनु॑वः । म॒म ॥
अ॒यम् । सः । अ॒ग्निः । यस्मि॑न् । सोम॑म् । इन्द्रः॑ । सु॒तम् । द॒धे ।
ज॒ठरे॑ ॥ वा॒वशा॑नः ॥ स॒हस्रि॑यम् ॥ वा॒जम् ॥ अ॒त्यम् । न । स॒प्तिम् ॥
स॒स॒वा॒नि॒ति॑ स - स॒वा॒न् । स॒न् । स्तू॒य॒से । जा॒त॒वे॒द इति॑
जा॒त - वे॒दः ॥ अ॒ग्ने॑ । दि॒वः । अ॒र्णम् । अ॒च्छ । जि॒गा॒सि ।
अ॒च्छ । दे॒वा॒न् । ऊ॒चि॒षे । धि॒ष्णि॒याः । ये ॥ याः । प॒र॒स्ता॒त् ।
रो॒च॒ने । सू॒र्य॑स्य । याः । च । अ॒व॒स्ता॒त् । उ॒प॒ति॒ष्ठ॒न्त
इ॒त्यु॒प - ति॑ष्ठन्ते । आ॒पः ॥ अ॒ग्ने॑ । यत् । ते । दि॒वि । वर्चः॑ ।
पृ॒थि॒व्याम् । यत् । ओ॒ष॒धी॒षु । 15 (50)

TS 4.2.4.3

-ऽप्सु वा यजत्र ।

येना॑न्तरि॑क्ष-मु॒र्वा॒त॒त॒न्थ॑ त्वेषः॑ स भानु॑र॒र्ण॒वो नृ॒च॒क्षाः ॥
पु॒री॒ष्या॒सो अ॒ग्नयः॑ प्राव॒णो॑भिः स॒जो॑षसः ।
जु॒ष॒न्ता॑ ह॒व्य-मा॑हु॒त-म॒न॒मी॒वा इ॒षो म॒हीः ॥
इ॒डा॒म॒ग्ने पु॒रु॒द॑स॒स॒निं गोः॑ श॒श्व॒त्त॒म॒ ह॒व॒मा॒नाय॑ साध ।

स्यान्नः॑ सू॒नुस्त॑नयो॒ वि॒जावा॑ऽग्ने॒ सा ते॑ सु॒मति॑र्भू॒त्वस्मे॑ ॥

अ॒यं ते॒ योनि॑र् ऋ॒त्वियो॒ यतो॑ जा॒तो अ॒रोच॑थाः ।

तं जान – [] 16

TS 4.2.4.3 - Padam

अ॒प्स्वि॑त्यप् – सु । वा । य॒जत्र॑ ॥ येन॑ । अ॒न्तरि॑क्षम् । उ॒रु ।

आ॒त॒तन्थे॑त्या॒ – त॒तन्थ॑ । त्वेषः॑ । सः । भानुः॑ । अ॒र्णवः॑ ।

नृ॒चक्षा॑ इति॑ नृ – चक्षाः॑ ॥ पु॒री॒ष्यासः॑ । अ॒ग्नयः॑ ।

प्रा॒वणे॑भिरिति॑ प्र – वने॑भिः । स॒जोष॑स इति॑ स – जोष॑सः ॥

जु॒षन्ता॑म् । ह॒व्यम् । आ॒हु॒त॒मित्या॑ – हु॒तम् । अ॒न॒मी॒वाः । इ॒षः ।

म॒हीः ॥ इ॒डाम् । अ॒ग्ने । पु॒रु॒द॒स॒मिति॑ पु॒रु – द॒स॒म् । स॒निम् ।

गोः । श॒श्वत्त॑ममिति॑ श॒श्वत् – त॒मम् । ह॒व॒मा॒नाय॑ । सा॒ध ॥ स्यात् ।

नः । सू॒नुः । त॒नयः॑ । वि॒जा॒वेति॑ वि – जा॒वा । अ॒ग्ने । सा । ते ।

सु॒मति॑रिति॑ सु॒मतिः॑ । भू॒तु । अ॒स्मे इति॑ ॥ अ॒यम् । ते । योनिः॑ ।

ऋ॒त्वियः॑ । यतः॑ । जा॒तः । अ॒रोच॑थाः ॥ तम् । जानन् । 16 (50)

TS 4.2.4.4

॑न्न॒ग्ने॒ आ॒ रो॒हा॒था॑ नो॒ वर्द्ध॑या॒ रयि॑ं ॥

चि॒द॒सि॒ तया॑ दे॒वत॑या॒ ऽङ्गि॒र॒स्वद् ध्रु॒वा॒ सी॒द॒ परि॑चि॒द॒सि॒ तया॑

दे॒वत॑या॒ ऽङ्गि॒र॒स्वद् ध्रु॒वा॒ सी॒द॒ लो॒कं॑ पृ॒ण॒ छि॒द्रं॑ पृ॒णा॒थो॑ सी॒द॒ शि॒वा॒ त्वं॑ ।

इ॒न्द्रा॒ग्नी॒ त्वा॒ बृ॒ह॒स्पति॑र॒स्मिन् यो॒ना॒व॒सी॒षद॑न् ॥

ता॒ अ॒स्य॒ सू॒द॒दो॒हसः॑ सोम॑ श्री॒णन्ति॑ पृ॒श्ज॑यः ।

जन्म॑न् दे॒वानां॑ वि॒श॒स्त्रि॒ष्वा रो॑चने॒ दिवः॑ ॥ 17

TS 4.2.4.4 - Padam

अ॒ग्ने॑ । ए॒ति॑ । रो॒ह॑ । अ॒थ॑ । नः॑ । वर्द्ध॑य । रयि॑म् ॥ चि॒त् । अ॒सि॑ ।

॥ तया॑ । दे॒वत॑या । अ॒ङ्गि॒र॒स्वत् । ध्रु॒वा॑ । सी॒द॑ । परि॑चि॒दि॒ति॑

परि॑ – चि॒त् । अ॒सि॑ । तया॑ । दे॒वत॑या । अ॒ङ्गि॒र॒स्वत् । ध्रु॒वा॑ । सी॒द॑ ।

लो॒कम् । पृ॒ण॑ । छि॒द्रम् । पृ॒ण॑ । अ॒थो॒ इति॑ । सी॒द॑ । शि॒वा॑ । त्वम् ॥

इ॒न्द्रा॒ग्नी॒ इती॑न्द्र – अ॒ग्नी॑ । त्वा॑ । बृ॒ह॒स्पतिः॑ । अ॒स्मिन् । यो॒नौ॑ ।

अ॒सी॒षद॑न् ॥ ताः॑ । अ॒स्य॑ । सू॒द॒दो॒हस॑ इति॒ सू॒द – दो॒हसः॑ ।

सोम॑म् । श्री॒णन्ति॑ । पृ॒श्ज॑यः ॥ जन्म॑न् । दे॒वाना॑म् । वि॒शः॑ ।

त्रि॒षु । ए॒ति॑ । रो॒चने॑ । दि॒वः॑ ॥ 17 (48)

(अ॒स्त्वो - ष॑धीषु - जा॒न - त्र॒ष्टाच॑त्वारि॒ंशच्च) (A4)

TS 4.2.5.1

स॒मि॒त॑ꣳ स॒ङ्क॒ल्पे॒थाꣳ सं॒प्रि॒यौ रो॒चि॒ष्णू सु॒मन॑स्य॒मानौ॑ ।
इ॒षमूर्ज॑म॒भि सँ॒वसानौ॑ सं वाँ मनाꣳसि सं व्र॒ता समु॑ चि॒त्तान्याऽ॒करं॑ ॥
अग्ने॑ पु॒रीष्या॒धिपा भ॒वा त्वं नः॑ ।

इ॒षमूर्जं॑ य॒जमा॑नाय धेहि ॥

पु॒रीष्य॑स्त्वमग्ने रयि॒मान् पु॒ष्टिमाꣳ अ॒सि ।

शि॒वाः कृ॒त्वा दि॒शः सर्वाः॑ स्वाँ यो॒निमि॑हाऽसदः ॥

भव॑तं नः सम॒नसौ॑ समो॒कसा - [] 18

TS 4.2.5.1 - Padam

स॒मि॒ति॑ । इ॒तम् । स॒मि॒ति॑ । क॒ल्पे॒थाम् । सं॒प्रि॒यावि॒ति सं - प्रि॒यौ ।

रो॒चि॒ष्णू इति॑ । सु॒मन॑स्य॒माना॒वि॒ति सु - मन॑स्य॒मानौ ॥ इ॒षम् ।

ऊ॒र्जम् । अ॒भी॒ति॑ । सँ॒वसाना॒वि॒ति सं - वसा॑नौ । स॒मि॒ति॑ । वा॒म् ।

मनाꣳसि॑ । स॒मि॒ति॑ । व्र॒ता । स॒मि॒ति॑ । उ । चि॒त्तानि॑ । ए॒ति॑ ।

अ॒कर॑म् ॥ अग्ने॑ । पु॒रीष्य॑ । अ॒धिपा॑ इत्यधि - पाः । भ॒व । त्वम् ।

नः ॥ इ॒षम् । ऊ॒र्जम् । य॒जमा॑नाय । धेहि ॥ पु॒रीष्यः॑ । त्वम् । अग्ने॑ ।

रयि॑मानि॒ति रयि॑ – मान् । पु॒ष्टि॑मानि॒ति पु॒ष्टि॑-मान् । अ॒सि॒ ॥ शि॒वाः ।
 कृ॒त्वा । दि॒शः॑ । सर्वाः॑ । स्वा॒म् । यो॒नि॑म् । इ॒ह । ए॒ति॑ । अ॒सदः॑ ॥
 भव॑तम् । नः॑ । स॒म॒न॒सा॒वि॒ति॒ स – म॒न॒सौ॑ ।
 स॒मो॒क॒सा॒वि॒ति॒ सं – ओ॒क॒सौ॑ । 18 (50)

TS 4.2.5.2

-व॒रे॒प॒सौ॑ ।

मा य॒ज्ञं॑ हि॒सि॒ष्टं॑ मा य॒ज्ञप॑तिं जा॒तवे॑दसौ शि॒वौ भव॑तम॒द्य नः॑ ॥
 मा॒ते॒व पु॒त्रं पृ॑थि॒वी पु॒री॒ष्य॒मग्नि॑ स्व॒े यो॒ना॒वभा॑-रु॒खा ।
 तां वि॒श्वैर्दे॒वैर्ऋ॒तुभिः॑ सँ॒वि॒दानः॑ प्र॒जाप॑तिर्वि॒श्वकर्मा॑ वि॒मुञ्च॑तु ॥
 यद॒स्य पा॒रे र॒जसः॑ शु॒क्रं ज्यो॑ति-रजा॒यत॑ ।
 तं नः॑ प॒र्षद॑ति॒ द्विषो॑ऽग्ने॒ वैश्वान॑र॒ स्वाहा॑ ॥
 नमः॑ सु॒ ते नि॒र्ऋ॒ते वि॒श्वरू॑पे – [] 19

TS 4.2.5.2 - Padam

अ॒रे॒प॒सौ॑ ॥ मा । य॒ज्ञम् । हि॒सि॒ष्टम् । मा । य॒ज्ञप॑तिमि॒ति
 य॒ज्ञ – प॒तिम् । जा॒तवे॑दसा॒वि॒ति॒ जा॒त – वे॒दसौ॑ । शि॒वौ । भव॑तम् ।
 अ॒द्य । नः॑ ॥ मा॒ता । इ॒व । पु॒त्रम् । पृ॑थि॒वी । पु॒री॒ष्यम् । अ॒ग्निम् ।

स्वे । योनौ ॥ अभाः । उखा ॥ ताम् । विश्वैः ॥ देवैः ।
 ऋतुभिरित्यृतु – भिः । संविदान इति सं – विदानः ।
 प्रजापतिरिति प्रजा – पतिः । विश्वकर्मेति विश्व – कर्मा । वीति ।
 मुञ्चतु ॥ यत् । अस्य । पारे । रजसः । शुक्रम् । ज्योतिः ।
 अजायत ॥ तत् । नः । पर्षत् । अतीति । द्विषः । अग्ने ॥ वैश्वानर ।
 स्वाहा ॥ नमः । स्विति । ते । निर्ऋत इति निः – ऋते ।
 विश्वरूप इति विश्व – रूपे । 19 (50)

TS 4.2.5.3

ऽयस्मयं वि चृता बन्धमेतं ।
 यमेन त्वं यम्या सं विदानोत्तमं नाकमधि रोहयेमं ॥
 यत्ते देवी निर्ऋतिराबन्ध दाम ग्रीवास्व विचर्त्य ।
 इदं ते तद् विष्यां यायुषो न मद्दया दथा जीवः पितुमद्धि प्रमुक्तः ॥
 यस्यास्ते अस्याः क्रूर आसञ्जुहोम्येषां बन्धाना-मवसर्जनाय ।
 भूमिरिति त्वा जना विदुर्निर्ऋति – [] 20

TS 4.2.5.3 - Padam

अ॒य॒स्म॒य॒म् ॥ वी॒ति॑ । च॒ृत॑ । ब॒न्ध॒म् । ए॒त॒म् ॥ य॒मे॒न॑ । त्व॒म् । य॒म्या॑ ॥
सँ॒वि॒दा॒ने॒ति॑ सं - वि॒दा॒ना । उ॒त्त॒म॒मि॒त्यु॒त् - त॒म॒म् । ना॒क॒म् ॥
अ॒धी॒ति॑ । रो॒ह॒य॑ । इ॒म॒म् ॥ य॒त् । ते॒ । दे॒वी॑ । नि॒र्ऋ॒ति॒रि॒ति॑
निः - ऋ॒तिः॑ । आ॒ब॒ब॒न्धे॒त्या॑ - ब॒ब॒न्ध॑ । दा॒म॑ । ग्री॒वा॒सु॑ ।
अ॒वि॒च॒र्त्य॑मि॒त्य॒वि॑ - च॒र्त्य॒म् ॥ इ॒द॒म् । ते॒ । त॒त् । वी॒ति॑ । स्या॒मि॑ ।
आ॒यु॒षः॑ । न । म॒द्द॒ध्या॒त् । अ॒थ॑ । जी॒वः॑ । पि॒तु॒म् । अ॒ब्धि॑ ।
प्र॒मु॒क्त॑ इति प्र - मु॒क्तः॑ ॥ य॒स्याः॑ । ते॒ । अ॒स्याः॑ । क्रू॒रे॑ । आ॒स॒न् ॥
जु॒हो॒मि॑ । ए॒षाम्॑ । ब॒न्धा॒ना॒म् । अ॒व॒स॒र्ज॑ना॒ये॒त्य॒व-स॑र्ज॒ना॒य॑ ॥ भू॒मिः॑ ।
इति॑ । त्वा॒ । ज॒नाः॑ । वि॒दुः॑ । नि॒र्ऋ॒ति॒रि॒ति॑ निः - ऋ॒तिः॑ । 20 (50)

TS 4.2.5.4

रि॒ति॑ त्वा ऽहं परि वेद विश्वतः ॥
अ॒सु॒न्व॒न्त-म॑य॒ज॒मा॒न॒मि॒च्छ॑ स्ते॒न॒स्ये॒त्या॒म् त॒स्कर॑स्या॒न्वेषि॑ ।
अ॒न्य-म॒स्म-दि॑च्छ सा त इत्या नमो देवि नि॒र्ऋ॒ते॒ तु॒भ्य॑मस्तु ॥
दे॒वी॒म॒हं॑ नि॒र्ऋ॒तिं॑ व॒न्द॑मानः पि॒ते॒व पु॒त्रं॑ द॒स॒ये॒ वचो॑भिः ।

विश्वस्य॑ या जायमानस्य॑ वेद॑ शिरःशिरः॑ प्रति॑ सूरी॑ वि चष्टे॑ ॥

निवेशनः॑ सङ्गमनो॑ वसूनां॑ विश्वा॑ रूपाऽभि चष्टे॑ – [] 21

TS 4.2.5.4 - Padam

इति॑ । त्वा॑ । अहम्॑ । परीति॑ । वेद॑ । विश्वतः॑ ॥ असुन्वन्तम्॑ ।

अयजमानम्॑ । इच्छ॑ । स्तेनस्य॑ । इत्याम्॑ । तस्करस्य॑ । अन्विति॑ ।

एषि॑ ॥ अन्यम्॑ । अस्मत्॑ । इच्छ॑ । सा॑ । ते॑ । इत्या॑ । नमः॑ । देवि॑ ।

निर्ऋत॑ इति॑ निः – ऋते॑ । तुभ्यम्॑ । अस्तु॑ ॥ देवीम्॑ । अहम्॑ ।

निर्ऋतिमिति॑ निः – ऋतिम्॑ । वन्दमानः॑ । पिता॑ । इव॑ । पुत्रम्॑ ।

दसये॑ । वचोभिरिति॑ वचः – भिः॑ ॥ विश्वस्य॑ । या॑ । जायमानस्य॑ ।

वेद॑ । शिरःशिर॑ इति॑ शिरः – शिरः॑ । प्रतीति॑ । सूरी॑ । वीति॑ । चष्टे॑ ॥

निवेशन॑ इति॑ नि – वेशनः॑ । सङ्गमन॑ इति॑ सं – गमनः॑ । वसूनाम्॑ ।

विश्वा॑ । रूपा॑ । अभीति॑ । चष्टे॑ । 21 (50)

TS 4.2.5.5

शचीभिः॑ ।

देव॑ इव॑ सविता॑ सत्यधर्मेन्द्रो॑ न तस्थौ॑ समरे॑ पथीनां॑ ॥

सं वरत्रा॑ दधातन॑ निराहावान् कृणोतन॑ ।

सिञ्चाम॑हा अ॒वट॑-मु॒द्रिणं॑ व॒यं विश्वा॑ ऽहा ऽद॒स्तम॑क्षितं ॥

निष्कृ॑ताहाव-म॒वट॑ सु॒वरत्र॑ सु॒षेच॑नं ।

उ॒द्रिणं॑ सिञ्चे॒ अक्षि॑तं ॥

सी॒रा यु॑ज्जन्ति क॒वयो॑ यु॒गा वि त॑न्वते पृथक् ।

धी॒रा दे॒वेषु॑ सु॒म्नया॑ ॥

यु॒नक्त॑ सी॒रा वि यु॒गा त॑नोत कृ॒ते यो॒नौ व॑पतेह - [] 22

TS 4.2.5.5 - Padam

श॒चीभि॑रिति श॒चि - भिः॑ ॥ दे॒वः । इ॒व । स॒विता॑ । स॒त्यध॑र्मेति

स॒त्य - ध॒र्मा । इन्द्रः॑ । न । त॒स्थौ । स॒मर॑ इति सं - अ॒रे ।

प॒थीना॑म् ॥ स॒मिति॑ । व॒रत्राः॑ । द॒धात॑न । नि॒रिति॑ ।

आ॒हावा॑नित्या - हा॒वान् । कृ॒णोत॑न ॥ सिञ्चाम॑है । अ॒वट॑म् ।

उ॒द्रिण॑म् । व॒यम् । विश्वा॑ । अ॒हा । अ॒दस्त॑म् । अ॒क्षित॑म् ॥

निष्कृ॑ताहावमिति निष्कृ॑त - आ॒हाव॑म् । अ॒वट॑म् । सु॒वरत्र॑मिति

सु - व॒रत्र॑म् । सु॒षेच॑नमिति सु - से॒चन॑म् ॥ उ॒द्रिण॑म् । सिञ्चे॒ ।

अ॒क्षित॑म् ॥ सी॒रा । यु॑ज्जन्ति । क॒वयः॑ । यु॒गा । वी॑ति । त॒न्वते॑ ।

पृथक् ॥ धीराः ॥ देवेषु । सुम्नया ॥ युनक्त । सीरा ॥ वीति । युगा ।
तनोत । कृते । योनौ ॥ वपत । इह । 22 (50)

TS 4.2.5.6

बीजं ।

गिरा च श्रुष्टिः सभरा असन्नो नेदीय इथ् सृण्या पक्वमा ज्यत् ॥
लाङ्गलं पवीरव् सुशेव् सुमतिथ्सरु ।
उदित् कृषति गामविं प्रफर्व्यं च पीवरीं ।
प्रस्थावद्-रथवाहनं ॥
शुनं नः फाला वि तुदन्तु भूमिं शुनं कीनाशा अभि यन्तु वाहान् ।
शुनं पर्जन्यो मधुना पयोभिः शुनासीरा शुनमस्मासु धत्तं ॥
कामं कामदुघे धुक्ष्व मित्राय () वरुणाय च ।
इन्द्रायाग्नये पूष्ण ओषधीभ्यः प्रजाभ्यः ॥
घृतेन सीता मधुना समक्ता विश्वैर्देवैरनुमता मरुद्धिः ।
ऊर्जस्वती पयसा पिन्वमानाऽस्मान्त् सीते पयसा ऽभ्याववृथस्व ॥ 23

TS 4.2.5.6 - Padam

बी॒जम् ॥ गि॒रा । च । श्रु॒ष्टिः । स॒भ॒रा इति॑ स-भ॒राः । अ॒सत् । नः ।
 ने॒दी॒यः । इत् । सृ॒ण्या ॥ प॒क्वम् । एति॑ । अ॒यत् ॥ लाङ्ग॑लम् ।
 प॒वी॒र॒वम् । सु॒शे॒व॒मिति॑ सु - शे॒वम् ॥ सु॒म॒ति॒त्स॒र्विति॑
 सु॒म॒ति - त्स॒रु ॥ उ॒दिति॑ । इत् । कृ॒षति॑ । गा॒म् । अ॒विम् ॥
 प्र॒फ॒र्व्य॑मिति॑ प्र-फ॒र्व्यम् ॥ च । पी॒व॒री॒म् ॥ प्र॒स्था॒व॒दिति॑ प्र॒स्थ-व॒त् ।
 रथ॑वा॒हन॒मिति॑ रथ - वा॒हन॒म् ॥ शु॒नम् । नः । फा॒लाः । वी॒ति ।
 तु॒द॒न्तु । भू॒मिम् ॥ शु॒नम् । की॒नाशाः॑ ॥ अ॒भी॒ति । य॒न्तु । वा॒हान् ॥
 शु॒नम् । प॒र्जन्यः॑ । म॒धु॒ना । प॒यो॒भि॒रिति॑ प॒यः - भिः । शु॒ना॒सी॒रा ।
 शु॒नम् । अ॒स्मा॒सु । ध॒त्तम् ॥ का॒मम् ॥ का॒म॒दु॒घ इति॑ का॒म - दु॒घे ।
 धु॒क्ष्व । मि॒त्राय॑ () । व॒रु॒णाय॑ । च ॥ इ॒न्द्राय॑ । अ॒ग्नये॑ । पू॒ष्णे ।
 ओष॑धी॒भ्य इत्यो॑ष॒धि - भ्यः । प्र॒जा॒भ्य इति॑ प्र - जा॒भ्यः ॥ घृ॒तेन॑ ।
 सी॒ता ॥ म॒धु॒ना । स॒म॒क्तेति॑ स॒म् - अ॒क्ता । वि॒श्वैः॑ । दे॒वैः ।
 अनु॑म॒तेत्यनु॑-म॒ता । म॒रु॒द्भिरिति॑ म॒रुत् - भिः ॥ ऊ॒र्ज॑स्वती । प॒यसा॑ ।
 पि॒न्व॒मा॒ना । अ॒स्मान् । सी॒ते । प॒यसा॑ ।

अभ्याववृथस्वेत्यभि – आववृथस्व ॥ 23 (72)

(समोकसौ-विश्वरूपे-विदुर्निर्ऋति-रभि चष्ट-इह-मित्राय-
द्वाविंशतिश्च) (A5)

TS 4.2.6.1

या जाता ओषधयो देवेभ्यस्त्रियुगं पुरा ।
मन्दामि बभ्रूणामहं शतं धामानि सप्त च ॥
शतं वो अंब धामानि सहस्रमुत वो रुहः ।

अथा शतक्रत्वो यूयमिमं मे अगदं कृत ॥

पुष्पावतीः प्रसूवतीः फलिनीरफला उत ।
अश्वा इव सजित्वरी-वीरुधः पारयिष्णवः ॥
ओषधीरिति मातर-स्तद्-वो देवी-रूप ब्रुवे ।

रपांसि विघ्नतीरित रप – [] 24

TS 4.2.6.1 - Padam

याः । जाताः । ओषधयः । देवेभ्यः । त्रियुगमिति त्रि-युगम् । पुरा ॥
मन्दामि । बभ्रूणाम् । अहम् । शतम् । धामानि । सप्त । च ॥
शतम् । वः । अंब । धामानि । सहस्रम् । उत । वः । रुहः ॥ अथ ।

श॒त॒क्र॒त्व॒ इति॑ श॒त – क्र॒त्वः॑ । यू॒य॒म् । इ॒म॒म् । मे॒ । अ॒ग॒द॒म् । कृ॒त ॥
 पु॒ष्पा॒व॒ती॒रिति॑ पु॒ष्प-व॒तीः॑ । प्र॒सू॒व॒ती॒रिति॑ प्र – सू॒व॒तीः॑ । फ॒लि॒नीः॑ ।
 अ॒फ॒लाः॑ । उ॒त ॥ अ॒श्वाः॑ । इ॒व । स॒जि॒त्व॒री॒रिति॑ स – जि॒त्व॒रीः॑ ।
 वी॒रु॒धः॑ । पा॒र॒यि॒ष्ण॒वः॑ ॥ ओ॒ष॒धीः॑ । इति॑ । मा॒तरः॑ । तत् । वः॑ ।
 दे॒वीः॑ । उ॒पेति॑ । ब्रु॒वे ॥ र॒पा॒सि॑ । वि॒घ्न॒ती॒रिति॑ वि – घ्न॒तीः॑ ।
 इ॒त । र॒पः॑ । 24 (50)

TS 4.2.6.2

–श्चा॒त॒य॒मा॒नाः॑ ॥

अ॒श्व॒त्थे॑ वो॒ नि॒ष॒द॒नं॑ प॒र्णे॑ वो॒ व॒स॒तिः॑ कृ॒ता ।
 गो॒भा॒ज॒ इत्॑ कि॒ला॒स॒थ॒ यथ्॑ स॒न॒व॒थ॒ पू॒रु॒षं ॥
 यद॒हं॑ वा॒ज॒य-॒न्नि॒मा॑ ओ॒ष॒धी॒र् । ह॒स्त॑ आ॒द॒धे॑ ।
 आ॒त्मा॑ यक्ष्म॒स्य॑ नश्यति पु॒रा जी॒व॒गृ॒भो॑ यथा ॥
 यदो॒ष॒ध॒यः॑ सं॒गच्छ॑न्ते रा॒जा॒नः॑ स॒मि॒ता॒विव॑ ।
 वि॒प्रः॑ स उ॒च्य॑ते भि॒षद् र॒क्षो॒हा॑ ऽमी॒व॒चा॒त॒नः॑ ॥

निष्कृ॑ति-र्नाम॑वो मा॒ता ऽथा॑ यू॒यञ्स्थ॑ संकृ॑तीः ।

सराः॑ प॒तत्रि॑णीः – [] 25

TS 4.2.6.2 - Padam

चा॒तय॑मानाः ॥ अ॒श्व॒त्थे । वः । नि॒षद॑नमि॒ति नि – स॑दनम् । प॒र्णे ।

वः । व॒स॒तिः । कृ॒ता ॥ गो॒भाज॑ इति गो – भाजः॑ । इत् । कि॒ल ।

अ॒स॒थ । यत् । स॒न॒व॒थ । पू॒रुष॑म् ॥ यत् । अ॒ह॒म् । वा॒ज॒य॒न् ।

इ॒माः । ओष॑धीः । ह॒स्ते ॥ आ॒द॒ध इ॒त्या-द॒धे ॥ आ॒त्मा । य॒क्ष्म॑स्य ।

न॒श्य॒ति । पु॒रा । जी॒व॒गृ॒भ इति जी॒व – गृ॒भः । य॒था ॥ यत् ।

ओष॑धयः । सं॒ग॒च्छ॑न्त इति सं – ग॒च्छ॑न्ते । रा॒जा॒नः ।

स॒मि॒ता॒वि॒ति सं – इ॒तौ । इ॒व ॥ वि॒प्रः । सः । उ॒च्य॑ते । भि॒षक् ।

र॒क्षो॒हे॒ति र॒क्षः – हा । अ॒मी॒व॒चा॒त॒न इ॒त्यमी॑व – चा॒त॒नः ॥

निष्कृ॑तिरि॒ति निः-कृ॑तिः । ना॒म । वः । मा॒ता । अथ॑ । यू॒यम् । स्थ॑ ।

सं॒कृ॑तीरि॒ति सं – कृ॑तीः ॥ सराः॑ । प॒तत्रि॑णीः । 25 (50)

TS 4.2.6.3

स्थ॒न य॒दा॒म॒य॒ति नि ष्कृ॑त ॥

अ॒न्या वो॑ अ॒न्या-म॑व॒त्व॒न्याऽन्य॑स्या उ॒पा॒व॒त ।

ताः सर्वा ओषधयः सँविदाना इदं मे प्रावता वचः ॥

उच्छुष्मा ओषधीनां गावो गोष्ठादिवेरते ।

धनञ् सनिष्यन्तीना-मात्मानं तव पूरुष ॥

अति विश्वाः परिष्ठास्तेन इव व्रजमक्रमुः ।

ओषधयः प्राचुच्यवु र्यत् किं च तनुवाञ् रपः ॥

या – [] 26

TS 4.2.6.3 - Padam

स्थन । यत् । आमयति । निरिति । कृत ॥ अन्या । वः । अन्याम् ।

अवतु । अन्या । अन्यस्याः । उपेति । अवत ॥ ताः । सर्वाः ।

ओषधयः । सँविदाना इति सं – विदानाः । इदम् । मे । प्रेति ।

अवत । वचः ॥ उदिति । शुष्माः । ओषधीनां । गावः ।

गोष्ठादिति गो – स्थात् । इव । ईरते ॥ धनम् । सनिष्यन्तीनाम् ।

आत्मानम् । तव । पूरुष ॥ अतीति । विश्वाः । परिष्ठा इति

परि – स्थाः । स्तेनः । इव । व्रजम् । अक्रमुः ॥ ओषधयः । प्रेति ।

अचुच्यवुः । यत् । किम् । च । तनुवाम् । रपः ॥ याः । 26 (50)

TS 4.2.6.4

-स्त आ॒त॒स्थु-॒रा॒त्मानं॑ या॒ आवि॒वि॒शुः॑ परुः॑परुः॑ ।

तास्ते॑ य॒क्ष्मं॑ वि॒ बा॒धन्ता॑ मु॒ग्रो म॑द्ध्यम॒शीरि॑व ॥

सा॒कं य॑क्ष्म प्र॒ पत॑ श्ये॒नेन॑ कि॒कि॒दी॒विना॑ ॥

सा॒कं वा॑तस्य॒ ध्रा॒ज्या सा॒कं न॑श्य॒ निहा॑कया ॥

अ॒श्वा॒वती॑ꣳ सो॒म॒वती॑-मूर्ज॑यन्ती-मु॒दो॒जसं॑ ।

आ वि॒थ्सि॑ सर्वा॒ ओष॑धीरस्मा॒ अरि॑ष्टता॒तये॑ ॥

याः फ॒लि॒नी॒र्या अ॑फ॒ला अ॑पु॒ष्पा याश्च॑ पु॒ष्पिणीः॑ ॥

बृह॑स्पतिप्रसूता॒ स्तानो॑ मुञ्च॒न्त्वꣳ ह॑सः ॥

या - [] 27

TS 4.2.6.4 - Padam

ते । आ॒त॒स्थु॒रित्या॑ - त॒स्थुः॑ । आ॒त्मान॑म् । याः ।

आ॒वि॒वि॒शु॒रित्या॑-वि॒वि॒शुः॑ । परुः॑ परु॒रिति॑ परुः॑ - परुः॑ ॥

ताः । ते॑ । य॒क्ष्मम्॑ । वी॒ति॑ । बा॒धन्ता॑म् । उ॒ग्रः॑ ।

म॒द्ध्यम॑शीरिति॒ मद्ध्यम॑ - शीः॑ । इ॒व ॥ सा॒कम्॑ । य॒क्ष्म॑ । प्रे॒ति॑ ।

प॒त॑ । श्ये॒नेन॑ । कि॒कि॒दी॒विना॑ ॥ सा॒कम्॑ । वा॒तस्य॑ । ध्रा॒ज्या॑ । सा॒कम्॑ ।

नश्य॑ । नि॒हाक॑येति॒ नि – हा॑कया ॥ अ॒श्वाव॑तीमित्य॒श्च – व॒तीम् ।
सो॒मव॑तीमि॒ति सोम॑ – व॒तीम् । ऊ॒र्जय॑न्तीम् ।
उदो॑जस॒मित्यु॑त् – ओ॒जस॑म् ॥ ए॒ति । वि॒त्सि॑ । सर्वाः॑ । ओष॑धीः ।
अ॒स्मै । अ॒रिष्ट॑तातय॒ इत्य॑रिष्ट – ता॒तये ॥ याः । फ॒लिनीः॑ । याः ।
अ॒फ॒लाः । अ॒पु॒ष्पाः । याः । च । पु॒ष्पिणीः॑ ॥ बृ॒हस्प॑तिप्रसू॒ता इति॑
बृ॒हस्प॑ति – प्र॒सू॒ताः । ताः । नः । मु॒ञ्च॒न्तु । अ॒ह॒सः ॥

याः । 27 (50)

TS 4.2.6.5

ओष॑धयः सोम॑राज्ञीः प्रवि॑ष्टाः पृथि॑वीमनु ।
तासां॑ त्वम॑स्यु॒त्तमा॑ प्र णो॑ जी॒वात॑वे सुव ॥
अ॒वप॑तन्ती-रव॑दन् दि॒व ओष॑दयः परि ।
यं जी॒व-म॑ञ्जवाम॒है न स॑ रि॒ष्याति॑ पू॒रुषः॑ ॥
याश्चे॑द-मु॒प-शृ॑ण्वन्ति॒ याश्च॑ दू॒रं प॑रागताः ।
इ॒ह स॑ङ्ग॒त्य ताः सर्वा॑ अ॒स्मै सं द॑त्त भेष॒जं ॥
मा वो॑ रिष॒त् ख॒निता॑ य॒स्मै चा॒हं ख॑नामि वः () ।

द्विप-च्चतुष्प-दस्माकं सर्व-मस्त्वनातुरं ॥

ओषधयः सं वदन्ते सोमेन सह राज्ञा ॥

यस्मै करोति ब्राह्मणस्तं राजन् पारयामसि ॥ 28

TS 4.2.6.5 - Padam

ओषधयः । सोमराज्ञीरिति सोम - राज्ञीः । प्रविष्टा इति प्र-विष्टाः ।
 पृथिवीम् । अनु ॥ तासां । त्वम् । असि । उत्तमेत्युत्- तमा । प्रेति ।
 नः । जीवातवे । सुव ॥ अवपतन्तीरित्यव - पतन्तीः । अवदन् ।
 दिवः । ओषधयः । परि ॥ यम् । जीवम् । अश्नवामहै । न । सः ।
 रिष्याति । पूरुषः ॥ याः । च । इदम् । उपशृण्वन्तीत्युप-शृण्वन्ति ।
 याः । च । दूरम् । परागता इति परा - गताः ॥ इह । सङ्गत्येति
 सं - गत्य । ताः । सर्वाः । अस्मै । समिति । दत्त । भेषजम् ॥
 मा । वः । रिषत् । खनिता । यस्मै । च । अहम् । खनामि ।
 वः () ॥ द्विपदिति द्वि-पत् । चतुष्पदिति चतुः-पत् । अस्माकम् ।
 सर्वम् । अस्तु । अनातुरमित्यना - तुरम् ॥ ओषधयः । समिति ।
 वदन्ते । सोमेन । सह । राज्ञा ॥ यस्मै । करोति । ब्राह्मणः । तम् ।

राजन् । पारयामसि ॥ 28 (68) (रपः – पत्रिणी- र्या –
अहसो याः – खनामि वो – ष्टादश च) (A6)

TS 4.2.7.1

मा नो हि॒सीज्जनि॒ता यः पृथि॒व्या यो वा दिव॑ स॒त्यध॑र्मा ज॒जान॑ ।
यश्चापश्चन्द्रा॑ बृ॒हती॑र्ज॒जान॑ कस्मै॑ दे॒वाय॑ ह॒विषा॑ वि॒धेम ॥
अभ्या॑वर्तस्व पृथि॒वि य॒ज्ञेन॑ पयसा॒ सह ।
वपां॑ ते अ॒ग्निरि॑षितोऽव॒ सर्प॑तु ॥
अग्ने॑ यत् ते शु॒क्रं यच्च॑न्द्रं यत् पू॒तं यद्-य॒ज्ञियं॑ ॥
तद्-दे॒वेभ्यो॑ भ॒राम॑सि ॥

इषमूर्जमहमित आ - [] 29

TS 4.2.7.1 - Padam

मा । नः । हि॒सीत् । जनि॒ता । यः । पृथि॒व्याः । यः । वा ।
दिव॑म् । स॒त्यध॑र्मेति स॒त्य - ध॒र्मा । ज॒जान॑ ॥ यः । च । अ॒पः ।
चन्द्राः॑ । बृ॒हतीः॑ । ज॒जान॑ । कस्मै॑ । दे॒वाय॑ । ह॒विषा॑ । वि॒धेम ॥
अभ्या॑वर्तस्वेत्यभि - आवर्तस्व । पृथि॒वि । य॒ज्ञेन॑ । पयसा॒ सह ॥
वपाम् । ते । अ॒ग्निः । इ॒षितः॑ । अ॒वेति॑ । सर्प॑तु ॥ अग्ने॑ । यत् ।

ते । शु॒क्रम् । यत् । च॒न्द्रम् । यत् । पू॒तम् । यत् । य॒ज्ञियम् ॥ तत् ।
दे॒वेभ्यः॑ । भ॒राम॑सि ॥ इ॒षम् । ऊ॒र्जम् । अ॒हम् । इ॒तः ।

ए॒ति । 29 (50)

TS 4.2.7.2

द॒द ऋ॒तस्य॑ धाम्नो॑ अ॒मृत॑स्य यो॒नैः॑ ।
आ नो॑ गो॒षु वि॒शत्वो॑षधीषु॒ जहा॑मि से॒दि-म॑नि॒रा-म॑मी॒वां ॥
अ॒ग्ने तव॑ श्र॒वो वयो॑ म॒हि भ्रा॑जन्त्य॒र्चयो॑ वि॒भाव॑सो ।
बृ॒हद्भानो॑ श॒वसा॑ वा॒जमु॑क्थ्यं दधा॑सि दा॒शुषे॑ क॒वे ॥
इ॒रज्य॑न्न॒ग्ने प्र॑थयस्व ज॒न्तुभि॑रस्मे रा॒यो अ॑म॒र्त्य ।
स द॒र्श॑तस्य॒ वपु॑षो॒ वि रा॑जसि पृ॒णक्षि॑ सान॒सिꣳ र॒यिं ॥
ऊ॒र्जा न॑पा॒ज्जात॑वेदः सु॒श॒स्तिभि॑-र्म॒न्दस्व - [] 30

TS 4.2.7.2 - Padam

द॒दे । ऋ॒तस्य॑ । धाम्नः॑ । अ॒मृत॑स्य । यो॒नैः॑ ॥ ए॒ति । नः॑ । गो॒षु ।
वि॒श॒तु । ए॒ति । ओ॑षधीषु । जहा॑मि । से॒दिम् । अ॒नि॒राम् ।
अ॒मी॒वाम् ॥ अ॒ग्ने । तव॑ । श्र॒वः । वयोः॑ । म॒हि । भ्रा॑जन्ति । अ॒र्चयः॑ ।
वि॒भा॒व॒सो इति॑ वि॒भा - व॒सो ॥ बृ॒हद्भानो॑ इति॒ बृ॒हत् - भानो॑ ।

श॒वसा॑ । वा॒जम् ॥ उ॒क्थ्य॑म् । द॒धासि॑ । दा॒शुषे॑ ॥ क॒वे ॥ इ॒रज्य॑न् ।
 अ॒ग्ने । प्र॒थय॑स्व । ज॒न्तुभि॑रिति॒ जन्तु॑-भिः । अ॒स्मे इति॑ । रा॒यः ।
 अ॒मर्त्य॑ ॥ सः । द॒र्श॑तस्य । व॒पुषः॑ । वी॒ति । रा॒जसि॑ । पृ॒णक्षि॑ ।
 सा॒नसि॑म् । रा॒यिम् ॥ ऊ॒र्जः । न॒पात् । जा॒तवे॑द इति॒ जा॒त - वे॑दः ।
 सु॒श॒स्तिभि॑रिति॒ सु॒श॒स्ति - भिः॑ । म॒न्दस्व॑ । 30 (50)

TS 4.2.7.3

धी॒तिभि॑र्हितः ।

त्वे इ॒षः सं द॑धु-भू॒रिरे॑तस-श्चि॒त्रोत॑यो वा॒मजा॑ताः ॥
 पा॒वक॑वर्चाः शु॒क्रव॑र्चा॒ अनू॑नवर्चा॒ उदिय॑र्षि॒ भानु॑ना ॥
 पु॒त्रः पि॒तरा॑ वि॒चर॑न्नुपा॒वस्यु॑भे पृ॒णक्षि॑ रो॒दसी॑ ॥
 ऋ॒तावा॑नं म॒हिषं॑ वि॒श्वच॑र्षणि॒मग्नि॑ सु॒म्नाय॑ दधिरे॒ पुरो॑ ज॒नाः ॥
 श्रु॒त्कर्ण॑ स॒प्रथ॑स्तमं॒ त्वा गि॑रा॒ दैव्यं॑ मा॒नुषा॑ यु॒गा ॥
 नि॒ष्कर्त॑रि-म॒ध्वर॑स्य॒ प्रचे॑तसं॒ क्षय॑न्तु॒ राध॑से॒ महे॑ ।
 रा॒तिं भृ॑गूणा॒मुशि॑जं॒ क॒विक्र॑तुं पृ॒णक्षि॑ सा॒नसि॑ - [] 31

TS 4.2.7.3 - Padam

धी॑ति॒भि॒रिति॑ धी॒ति-भिः॑ । हि॒तः ॥ त्वे॑ इति॑ । इ॒षः । स॒मिति॑ । द॒धुः ।
 भू॒रिरे॑तस इति॑ भू॒रि - रे॒तसः॑ । चि॒त्रोत॑य इति॑ चि॒त्र - ऊ॒तयः॑ ।
 वा॒मजा॑ता इति॑ वा॒म - जा॒ताः ॥ पा॒वक॑वर्चा इति॑ पा॒वक - वर्चाः॑ ।
 शु॒क्रवर्चा॑ इति॑ शु॒क्र - वर्चाः॑ । अ॒नून॑वर्चा इत्य॒नून - वर्चाः॑ ।
 उ॒दिति॑ । इ॒यर्षि॑ । भा॒नुना॑ ॥ पु॒त्रः । पि॒तरा॑ । वि॒चर॑न्निति॑ वि-च॒रन् ।
 उ॒पेति॑ । अ॒वसि॑ । उ॒भे इति॑ । पृ॒णक्षि॑ । रो॒दसी॑ इति॑ ॥
 ऋ॒तावा॑नमित्यृ॒त - वा॒नम् । म॒हिष॑म् । वि॒श्वच॑र्षणि॒मिति॑
 वि॒श्व - च॑र्षणि॒म् । अ॒ग्नि॑म् । सु॒म्नाय॑ । द॒धिरे॑ । पु॒रः । ज॒नाः ॥
 श्रु॒त्कर्ण॑मिति॑ श्रु॒त्-कर्ण॑म् । स॒प्रथ॑स्त॒ममिति॑ स॒प्रथः-त॑मम् । त्वा ।
 गि॒रा । दै॒व्यम् ॥ मा॑नु॒षा । यु॒गा ॥ नि॒ष्कर्त॑रमिति॑ निः - क॒र्तार॑म् ।
 अ॒ध्वर॑स्य । प्र॒चेत॑समिति॑ प्र - चे॒तस॑म् । क्ष॒यन्त॑म् । रा॒धसे॑ ।
 म॒हे ॥ रा॒तिम् । भृ॑गू॒णाम् । उ॒शिज॑म् ।
 क॒विक्र॑तुमिति॑ क॒वि - क्र॒तुम् । पृ॒णक्षि॑ । सा॒नसि॑म् । 31 (50)

TS 4.2.7.4

रयिं ॥

चितः॑ स्थ॑ परि॒चित॑ ऊ॒र्ध्व॒चितः॑ श्रय॒र्ध्वं॑ तया॑

दे॒वतया॑ ऽङ्गि॒रस्वद् ध्रु॒वाः॑ सी॒दत ॥

आ॒ प्या॒यस्व॑ समे॒तु ते॑ वि॒श्वतः॑ सोम॒ वृष्णि॑यं ।

भवा वा॒जस्य॑ सङ्ग॒थे ॥

सं ते॑ पया॒सि॑ समु॒ यन्तु॑ वा॒जाः सं वृष्णि॑या-न्य॒भिमा॑ति॒षाहः॑ ।

आ॒प्याय॑मानो अ॒मृता॑य सोम॒ दिवि॑ श्रवा॒स्युत्त॑मानि॒ धिष्व ॥ 32

TS 4.2.7.4 - Padam

रयि॑म् ॥ चि॑तः । स्थ॑ । परि॒चित॑ इति॑ परि – चि॑तः । ऊ॒र्ध्व॒चित॑

इत्य॑ूर्ध्व – चि॑तः । श्रय॒र्ध्वम् । तया॑ । दे॒वतया॑ । अ॒ङ्गि॒रस्वत् ।

ध्रु॒वाः । सी॒दत ॥ एति॑ । प्या॒यस्व॑ । समि॑ति । ए॒तु । ते॑ । वि॒श्वतः॑ ।

सोम॑ । वृष्णि॑यम् ॥ भव॑ । वा॒जस्य॑ । सङ्ग॒थ इति॑ सं-ग॒थे ॥

समि॑ति । ते॑ । पया॒सि॑ । समि॑ति । उ॒ । यन्तु॑ । वा॒जाः । समि॑ति ।

वृष्णि॑यानि । अ॒भिमा॑ति॒षाह इत्य॑भिमाति – सा॒हः ॥ आ॒प्याय॑मान॒

इत्या॑ – प्या॒यमानः॑ । अ॒मृता॑य । सोम॑ । दिवि॑ । श्रवा॒सि॑ ।

उ॒त्त॒मा॒नी॒त्यु॒त् – त॒मा॒नि॒ । धि॒ष्व ॥ 32 (39)

(आ – म॒न्द॒स्व – सा॒न॒सि – मे॒का॒न्न॒च॒त्वा॒रि॒श॒च्च) (A7)

TS 4.2.8.1

अ॒भ्य॒स्थाद्-वि॒श्वाः॑ पृ॒त॒ना॒ अ॒रा॒ती॒स्तद॒ग्निरा॒ह तदु॒ सोम॑ आ॒ह ।
बृ॒ह॒स्प॒तिः॑ स॒वि॒ता तन्म॑ आ॒ह पू॒षा मा॑ ऽधा॒त् सु॒कृ॒त॒स्य॑ लो॒के ॥
यद॒क्र॒न्दः॑ प्रथ॒मं जा॒य॒मा॒न उ॒द्यन्त्-स॒मु॒द्रा॒दु॒त वा॒ पु॒री॒षात् ।
श्ये॒न॒स्य॑ प॒क्षा ह॒रि॒ण॒स्य॑ बा॒हू उप॑स्तु॒तं ज॒नि॒म तत् ते॑ अ॒र्व॒न् ॥
अ॒पां पृ॒ष्ठ॒म॒सि॒ यो॒नि॒र॒ग्नेः॑ स॒मु॒द्र॒म॒भि॒तः॑ पि॒न्व॒मा॒नं ।
वर्द्ध॑मा॒नं म॒ह – [] 33

TS 4.2.8.1 - Padam

अ॒भी॒ति॑ । अ॒स्था॒त् । वि॒श्वाः॑ । पृ॒त॒नाः॑ । अ॒रा॒तीः॑ । तत् । अ॒ग्निः॑ ।
आ॒ह । तत् । उ॒ । सोमः॑ । आ॒ह ॥ बृ॒ह॒स्प॒तिः॑ । स॒वि॒ता । तत् । मे॒ ।
आ॒ह । पू॒षा । मा॑ । अ॒धा॒त् । सु॒कृ॒त॒स्ये॒ति॑ सु – कृ॒त॒स्य॑ । लो॒के ॥
यत् । अ॒क्र॒न्दः॑ । प्रथ॒मम् । जा॒य॒मा॒नः॑ । उ॒द्यन्ति॑त्यु॒त्- यन् ।
स॒मु॒द्रा॒त् । उ॒त । वा॒ । पु॒री॒षात् ॥ श्ये॒न॒स्य॑ । प॒क्षा । ह॒रि॒ण॒स्य॑ ।
बा॒हू इति॑ । उप॑स्तु॒तमि॒त्यु॒प – स्तु॒तम् । ज॒नि॒म । तत् । ते॑ ।

अ॒र्व॒न् ॥ अ॒पाम् । पृ॒ष्ठम् । अ॒सि॒ । यो॒निः । अ॒ग्नेः । स॒मु॒द्रम् ।
अ॒भि॒तः । पि॒न्व॒मानम् ॥ वर्द्ध॑मानम् । म॒हः । 33 (50)

TS 4.2.8.2

आ च पु॒ष्करं॑ दि॒वो मा॒त्रया॑ वरि॒णा प्र॑थस्व ॥
ब्र॒ह्म ज॒ज्ञानं॑ प्र॒थमं॑ पु॒रस्ताद् वि सी॑मतः सु॒रुचो॑ वे॒न आ॑वः ।
स बु॒द्धि॒नया॑ उ॒पमा॑ अ॒स्य वि॒ष्ठाः स॒तश्च॑ यो॒निम॑स॒तश्च॑ वि॒वः ॥
हि॒र॒ण्य॒ग॒र्भः स॑म॒वर्त॑ता॒ग्रे भू॑त॒स्य जा॒तः प॒तिरे॑क आसीत् ।
स दा॒धार पृ॑थि॒वीं द्या॒मु॒तेमां॑ क॒स्मै दे॒वाय॑ ह॒विषा॑ वि॒धेम ॥

द्र॒प्सश्च॑स्क॒न्द पृ॑थि॒वीम॒नु – [] 34

TS 4.2.8.2 - Padam

ए॒ति । च । पु॒ष्कर॑म् । दि॒वः । मा॒त्रया॑ । वरि॒णा । प्र॑थस्व ॥ ब्र॒ह्म ।
ज॒ज्ञान॑म् । प्र॒थम॑म् । पु॒रस्ता॑त् । वी॒ति॑ । सी॒मतः॑ । सु॒रुच॑ इति॑
सु – रुचः॑ । वे॒नः । आ॒वः ॥ सः । बु॒द्धि॒नयाः॑ । उ॒पमा॑ इत्यु॒प-माः ।
अ॒स्य । वि॒ष्ठा इति॑ वि-स्थाः॑ । स॒तः । च । यो॒निम् । अ॒सतः॑ । च ।
वि॒वः ॥ हि॒र॒ण्य॒ग॒र्भ इति॑ हि॒र॒ण्य – ग॒र्भः । स॒मिति॑ । अ॒वर्त॑त । अ॒ग्रे ॥
भू॒त॒स्य । जा॒तः । प॒तिः । ए॒कः । आ॒सीत् ॥ सः । दा॒धार ।

पृथि॒वीम् । द्याम् । उ॒त । इ॒माम् । कस्मै॑ ॥ दे॒वाय॑ । ह॒विषा॑ ॥ वि॒धेम ॥
द्र॒प्सः । च॒स्क॒न्द । पृथि॒वीम् । अ॒न्विति॑ । 34 (50)

TS 4.2.8.3

– द्या॒मि॒मं च॒ योनि॒मनु॑ यश्च॒ पूर्वं॑ ।
तृ॒तीयं॑ यो॒नि॒मनु॑ स॒ञ्चर॑न्तं द्र॒प्सं जु॒हो॒म्यनु॑ स॒प्त हो॒त्राः ॥
नमो॑ अस्तु स॒र्पेभ्यो॑ ये के च॒ पृथि॒वीमनु॑ ।
ये अ॒न्तरि॑क्षे ये दि॒वि तेभ्यः॑ स॒र्पेभ्यो॑ नमः ॥
येऽदो॑ रो॒चने॑ दि॒वो ये वा॒ सूर्य॑स्य र॒श्मिषु॑ ।
येषा॑म॒प्सु स॒दः कृ॒तं तेभ्यः॑ स॒र्पेभ्यो॑ नमः ॥
या इ॒षवो॑ या॒तु॒धा॒ना॒नां () यै॑ वा व॒न॒स्प॒ती॒रु॒नु ।
ये वाऽव॑टेषु शेर॒ते तेभ्यः॑ स॒र्पेभ्यो॑ नमः ॥ 35

TS 4.2.8.3 - Padam

द्याम् । इ॒मम् । च॒ । योनि॑म् । अ॒न्विति॑ । यः । च॒ । पूर्वं॑ ॥ तृ॒तीयम्॑ ।
योनि॑म् । अ॒न्विति॑ । स॒ञ्चर॑न्तमिति सं – च॒र॒न्तम् । द्र॒प्सम् ।
जु॒हो॒मि । अ॒न्विति॑ । स॒प्त । हो॒त्राः ॥ नमः॑ । अ॒स्तु । स॒र्पेभ्यः॑ ।
ये । के । च॒ । पृथि॒वीम् । अनु॑ ॥ ये । अ॒न्तरि॑क्षे । ये । दि॒वि ।

तेभ्यः । सर्पेभ्यः । नमः ॥ ये । अदः । रोचने । दिवः । ये । वा ।
सूर्यस्य । रश्मिषु ॥ येषाम् । अफिस्वत्यप्- सु । सदः । कृतम् ।
तेभ्यः । सर्पेभ्यः । नमः ॥ याः । इषवः । यातुधानानामिति
यातु - धानानाम् () । ये । वा । वनस्पतीन् । अनु ॥ ये । वा ।
अवटेषु । शेरते । तेभ्यः । सर्पेभ्यः । नमः ॥ 35 (61)

(महो - ऽनु - यातुधानाना - मेकादश च) (A8)

TS 4.2.9.1

ध्रुवाऽसि धरुणाऽस्तृता विश्वकर्मणा सुकृता ।
मा त्वा समुद्र उद्वधीन्मा सुपर्णो ऽव्यथमाना पृथिवीं दृह ॥
प्रजापतिस्त्वा सादयतु पृथिव्याः पृष्ठे व्यचस्वतीं प्रथस्वतीं प्रथोऽसि
पृथिव्यसि भूरसि भूमिरस्यदितिरसि विश्वधाया विश्वस्य भुवनस्य
धर्त्री पृथिवीं यच्छ पृथिवीं दृह पृथिवीं मा हिःसीर्विश्वस्मै
प्राणायानाय व्यानायोदानाय प्रतिष्ठायै - [] 36

TS 4.2.9.1 - Padam

ध्रुवा । असि । धरुणा । अस्तृता । विश्वकर्मणेति विश्व - कर्मणा ।
सुकृतेति सु - कृता ॥ मा । त्वा । समुद्रः । उदिति । वधीत् । मा ।

सु॒पर्ण॑ इति॑ सु॒ – पर्णः॑ । अव्य॑थ॒माना॑ । पृ॒थि॒वीम् । दृ॒ह ॥
 प्र॒जाप॑तिरिति॑ प्र॒जा – पतिः॑ । त्वा । सा॒दय॑तु । पृ॒थि॒व्याः ।
 पृ॒ष्ठे । व्य॑च॒स्वती॑म् । प्रथ॑स्वतीम् । प्रथः॑ । अ॒सि । पृ॒थि॒वी । अ॒सि ।
 भूः । अ॒सि । भूमिः॑ । अ॒सि । अ॒दि॒तिः । अ॒सि ।
 वि॒श्वधा॑या इति॑ वि॒श्व – धा॒याः । वि॒श्वस्य॑ । भु॒वन॑स्य । ध॒र्त्री ।
 पृ॒थि॒वीम् । य॒च्छ । पृ॒थि॒वीम् । दृ॒ह । पृ॒थि॒वीम् । मा । हि॒सीः ।
 वि॒श्वस्मै॑ । प्रा॒णाये॑ति प्रा – अ॒नाय॑ । अ॒पा॒नाये॑त्यप – अ॒नाय॑ ।
 व्या॒नाये॑ति वि – अ॒नाय॑ । उ॒दा॒नाये॑त्युत् – अ॒नाय॑ ।
 प्र॒तिष्ठा॑या इति॑ प्र॒ति – स्था॒यै ॥ 36 (50)

TS 4.2.9.2

च॒रि॒त्राया॑ग्नि॒स्त्वाऽभि॑ पा॒तु म॒ह्या स्व॒स्त्या छ॒र्दिषा॑ श॒न्तमे॑न
 तया॑ दे॒वतया॑ऽङ्गि॒रस्वद्-ध्रु॒वा सी॑द ॥
 काण्डा॑त्काण्डात् प्र॒रोह॑न्ती प॒रुषः॑प॒रुषः॑ परि॑ ।
 ए॒वा नो॑ दूर्वे॒ प्र त॑नु स॒हस्रे॑ण श॒तेन॑ च ॥
 या श॒तेन॑ प्र॒तनो॑षि स॒हस्रे॑ण वि॒रोह॑सि ।

तस्या॑स्ते॑ दे॒वी॒ष्टके॑ वि॒धेम॑ ह॒विषा॑ व॒यं ॥

अ॒षाढा॑ऽसि॒ सह॑मा॒ना सह॑स्वारा॒तीः सह॑स्वारा॒तीयतः॑ सह॒स्व
पृ॒तनाः॑ सह॒स्व पृ॒तन्य॑तः ।

सह॑स्रवी॒र्या – [] 37

TS 4.2.9.2 - Padam

च॒रि॒त्राय॑ । अ॒ग्निः । त्वा । अ॒भी॒ति॑ । पा॒तु । म॒ह्या । स्व॒स्त्या ।
छ॒र्दि॒षा ॥ श॒न्तमे॑नेति॒ शं – तमे॑न । तया॑ । दे॒वत॑या । अ॒ङ्गि॒रस्व॑त् ।
ध्रु॒वा । सी॒द ॥ का॒ण्डा॑त्काण्डा॒दिति॑ काण्डा॒त् – काण्डा॑त् ।
प्र॒रोह॑न्तीति॒ प्र – रोह॑न्ती । प॒रुषः॑प॒रुष इति॑ प॒रुषः॑-प॒रुषः॑ । परि॑ ॥
ए॒वा । नः । दू॒र्वे । प्रे॒ति॑ । त॒नु । स॒हस्रे॑ण । श॒तेन॑ । च ॥ या ।
श॒तेन॑ । प्र॒तनो॑षीति॒ प्र – तनो॑षि । स॒हस्रे॑ण । वि॒रोह॑सीति॒
वि-रोह॑सि ॥ तस्याः॑ । ते । दे॒वि । इ॒ष्टके॑ । वि॒धेम॑ । ह॒विषा॑ ॥
व॒यम् ॥ अ॒षाढा॑ । अ॒सि । स॒हमा॑ना । सह॒स्व । अ॒रातीः॑ । सह॒स्व ।
अ॒राती॑यतः । सह॒स्व । पृ॒तनाः॑ । सह॒स्व । पृ॒तन्य॑तः ॥
सह॑स्रवी॒र्येति॑ सह॑स्र – वी॒र्या । 37 (50)

TS 4.2.9.3

-सि सा मा जिन्व ॥

मधु वाता ऋतायते मधु क्षरन्ति सिन्धवः ।

माद्ध्वीर्नः सन्त्वोषधीः ॥

मधु नक्तमुतोषसि मधुमत् पार्थिवञ् रजः ।

मधु द्यौरस्तु नः पिता ॥

मधुमान् नो वनस्पति-र्मधुमाञ् अस्तु सूर्यः ।

माद्ध्वीर्गावो भवन्तु नः ॥

मही द्यौः पृथिवी च न इमं यज्ञं मिमिक्षतां ।

पिपृतां नो भरीमभिः ॥

तद्-विष्णोः परमं - [] 38

TS 4.2.9.3 - Padam

असि । सा । मा । जिन्व ॥ मधु । वाताः । ऋतायत इत्यृत - यते ।

मधु । क्षरन्ति । सिन्धवः ॥ माद्ध्वीः । नः । सन्तु । ओषधीः ॥

मधु । नक्तम् । उत । उषसि । मधुमदिति मधु - मत् । पार्थिवम् ।

रजः ॥ मधु । द्यौः । अस्तु । नः । पिता ॥ मधुमानिति मधु-मान् ।

नः । वनस्पतिः । मधुमानिति मधु – मान् । अस्तु । सूर्यः ॥
माद्ध्वीः । गावः । भवन्तु । नः ॥ मही । द्यौः । पृथिवी । च । नः ।
इमम् । यज्ञम् । मिमिक्षताम् ॥ पिपृताम् । नः ।
भरीमभिरिति भरीम – भिः ॥ तत् । विष्णोः । परमम् । 38 (50)

TS 4.2.9.4

पदꣳ सदा पश्यन्ति सूरयः ।
दिवीव चक्षुराततं ॥
ध्रुवाऽसि पृथिवि सहस्व पृतन्यतः ।
स्यूता देवेभिरमृतेनाऽऽ *गाः ॥
यास्ते अग्ने सूर्ये रुच उद्यतो दिवमातन्वन्ति रश्मिभिः ।
ताभिः सर्वाभी रुचे जनाय न स्कृधि ॥
या वो देवाः सूर्ये रुचो गोष्वश्वेषु या रुचः ।
इन्द्राग्नी ताभिः सर्वाभी रुचं नो धत्त बृहस्पते ॥

विराड् – [] 39

TS 4.2.9.4 - Padam

पदम् । सदा॑ । पश्यन्ति॑ । सूर्यः॑ ॥ दिवि॑ । इव॑ । चक्षुः॑ ।
आत॑तमित्या-त॑तम् ॥ ध्रुवा॑ । असि॑ । पृथिवि॑ । सह॑स्व । पृत॑न्यतः ॥
स्यू॑ता । दे॒वेभिः॑ । अ॒मृते॑न । ए॒ति । अ॒गाः ॥ याः । ते । अ॒ग्ने ।
सूर्ये॑ । रुचः॑ । उ॒द्यत॑ इत्युत् - यतः॑ । दि॒वम् ॥
आ॒त॒न्वन्ती॑त्या - त॒न्वन्ति॑ । र॒श्मिभि॑रिति॒ रश्मि॑ - भिः ॥ ताभिः॑ ।
सर्वा॑भिः । रु॒चे । ज॒नाय॑ । नः । कृ॒धि ॥ याः । वः । दे॒वाः । सूर्ये॑ ॥
रुचः॑ । गोषु॑ । अ॒श्वेषु॑ । याः । रुचः॑ ॥ इन्द्रा॑ग्नी इतीन्द्र - अ॒ग्नी ।
ताभिः॑ । सर्वा॑भिः । रुच॑म् । नः । ध॒त्त । बृ॒हस्प॑ते ॥

विराडिति॑ वि - राट् । 39 (50)

TS 4.2.9.5

ज्योति॑रधारयथ् स॒म्राड् ज्योति॑रधारयथ् स्व॒राड् ज्योति॑रधारयत् ॥

अग्ने॑ यु॒क्ष्वा हि॑ ये तवाश्वा॑सो दे॒व सा॒धवः॑ ।

अ॒रं वँ॑हन्त्याश॒वः ॥

यु॒क्ष्वा हि॑ दे॒वहू॑तमा॒ञ् अश्वा॑ञ् अग्ने॑ रथी॒रिव॑ ।

नि॑ होता॑ पू॒र्व्यः स॒दः ॥

द्र॒प्सश्च॑स्क॒न्द पृ॒थि॒वीम॑नु॒ द्यामि॑मं च॒ योनि॑मनु॒ यश्च॑ पूर्॒वः ।

तृ॒तीयं॑ योनि॑मनु॒ सञ्च॑रन्तं॒ द्र॒प्सं जु॑हो॒म्यनु॑ स॒प्त – [] 40

TS 4.2.9.5 - Padam

ज्योतिः॑ । अ॒धा॒र॒यत् । स॒म्राडि॑ति॒ सम्-राट् । ज्योतिः॑ । अ॒धा॒र॒यत् ।

स्व॒राडि॑ति॒ स्व - राट् । ज्योतिः॑ । अ॒धा॒र॒यत् ॥ अ॒ग्ने॑ । यु॒क्ष्व ।

हि । ये । तव॑ । अ॒श्वा॒सः । दे॒व । सा॒धवः॑ ॥ अ॒रम् । वह॑न्ति ।

आ॒श॒वः ॥ यु॒क्ष्व । हि । दे॒व॒हू॒त॒मा॒नि॒ति॒ दे॒व - हू॑त॒मा॒न् । अ॒श्वा॒न् ।

अ॒ग्ने॑ । र॒थीः । इ॒व ॥ नी॒ति॑ । हो॒ता॑ । पू॒र्व्यः । स॒दः ॥ द्र॒प्सः ।

च॒स्क॒न्द । पृ॒थि॒वीम् । अ॒न्वि॑ति॒ द्याम् । इ॒मम् । च॒ । योनि॑म् ।

अ॒न्वि॑ति॒ । यः । च॒ । पूर्॒वः ॥ तृ॒तीय॑म् । योनि॑म् । अ॒न्वि॑ति॒ ।

स॒ञ्च॑रन्त॒मि॒ति॒ सं - च॑रन्तम् । द्र॒प्सम् । जु॒हो॒मि॒ । अ॒न्वि॑ति॒ ।

स॒प्त । 40 (50)

TS 4.2.9.6

॥
हो॒त्राः ॥

अ॒भू॒दि॒दं॑ वि॒श्वस्य॑ भु॒वनस्य॑ वा॒जिन॑म॒ग्ने-वै॑श्वा॒नरस्य॑ च ।

अ॒ग्नि॒ज्यो॑ति॒षा ज्यो॑ति॒ष्मा॒न् रु॒क्मो॑ वर्च॒सा॒ वर्च॑स्वा॒न् ॥

ऋ॒चे॒ त्वा॑ रु॒चे॒ त्वा॑ समि॒त् स्र॑वन्ति स॒रितो॑ न धे॒नाः॑ ॥
 अ॒न्तर्॑ ह॒दा॑ मन॒सा पू॑यमा॒नाः ॥
 घृ॒तस्य॑ धा॒रा अ॒भि चा॑क॒शीमि॑ ।
 हि॒रण्ययो॑ वे॒तसो॑ मद्ध्य॑ आ॒सां ॥
 तस्मि॑न्त्सु॒पर्णो॑ म॒धुकृ॑त् कु॒लायी॑ भज॒न्नास्ते॑ म॒धु दे॒वता॑भ्यः ।
 तस्या॑सते॒ हर॑यः स॒प्त ती॑रे () स्व॒धां दु॑हाना अ॒मृत॑स्य॒ धारां॑ ॥ 41

TS 4.2.9.6 - Padam

हो॒त्राः॑ ॥ अ॒भूत् । इ॒दम् । वि॒श्वस्य॑ । भु॒वनस्य॑ । वा॒जिन॑म् । अ॒ग्नेः ।
 वै॒श्वान॑रस्य॑ । च ॥ अ॒ग्निः । ज्यो॑तिषा । ज्यो॑तिष्मान् । रु॒क्मः ।
 वर्च॑सा । वर्च॑स्वान् ॥ ऋ॒चे । त्वा॑ । रु॒चे । त्वा॑ । समि॑ति । इत् ।
 स्र॑वन्ति । स॒रितः॑ । न । धे॒नाः॑ ॥ अ॒न्तः । ह॒दा । मन॒सा । पू॑यमा॒नाः ॥
 घृ॒तस्य॑ । धा॒राः । अ॒भीति॑ । चा॒क॒शीमि॑ ॥ हि॒रण्ययः॑ । वे॒तसः॑ ।
 मद्ध्यै॑ । आ॒साम् ॥ तस्मि॑न् । सु॒पर्ण इति॑ सु – पर्णः । म॒धुकृ॑दिति॑
 म॒धु – कृ॑त् । कु॒लायी॑ । भज॑न् । आ॒स्ते । म॒धु । दे॒वता॑भ्यः ॥
 तस्य॑ । आ॒सते॑ । हर॑यः । स॒प्त । ती॑रे () । स्व॒धामि॑ति स्व॒धाम् ।

दु॒हानाः॑ । अ॒मृत॑स्य । धारा॑म् ॥ 41 (54) (प्र॒ति॒ष्ठा॒यै॑ – स॒हस्र॑वीर्या –
पर॑मं – वि॒राट्॑थ् – स॒प्त – ती॒रे॑ – च॒त्वारि॑ च) (A9)

TS 4.2.10.1

आ॒दि॒त्यं॑ गर्भं॑ पय॑सा स॒मञ्ज॑न्थ् स॒हस्र॑स्य प्र॒तिमां॑ विश्व॑रूपं ।
परि॑ वृ॒ङ्ग्धि॑ हर॒सा मा ऽभि॑ मृ॒क्षः श॒तायु॑षं कृ॒णुहि॑ ची॒यमा॑नः ॥
इ॒मं मा हि॒॑सी॒र्द्धि॒पादं॑ प॒शूना॒॑ सह॒स्राक्ष॑ मे॒ध आ ची॑यमानः ।
म॒यु-मा॑र॒ण्य-म॑नु ते दि॒शामि॑ तेन॑ चि॒न्वान॑स्त॒नुवो॑ नि षी॒द ॥
वा॒तस्य॑ ध्रा॒जिं व॑रु॒णस्य॑ ना॒भिम॑श्चं ज॒ज्ञान॒॑ सरि॑रस्य॒ मद्ध्ये॑ ॥
शि॒शुं न॒दीना॒॑ हरि॑-म॒द्रि॒बुद्ध॑-म॒ग्ने मा हि॒॑सीः - [] 42

TS 4.2.10.1 - Padam

आ॒दि॒त्यम् । गर्भ॑म् । पय॑सा । स॒मञ्ज॑न्निति॒ सं - अ॒ञ्जन् ।
स॒हस्र॑स्य । प्र॒तिमा॑मिति॒ प्रति॑ - माम् ।
वि॒श्वरू॑पमिति॒ विश्व॑-रू॒पम् ॥ परी॑ति । वृ॒ङ्ग्धि॑ । हर॒सा । मा ।
अ॒भीति॑ । मृ॒क्षः । श॒तायु॑षमिति॒ शत॑ - आ॒युष॑म् । कृ॒णुहि॑ ।
ची॒यमा॑नः ॥ इ॒मम् । मा । हि॒॑सीः । द्वि॒पाद॑मिति॒ द्वि॑ - पा॒दम् ॥
प॒शूना॑म् । स॒हस्रा॑क्षेति॒ सहस्र॑ - अ॒क्ष । मे॒धे । ए॒ति । ची॒यमा॑नः ॥

म॒युम् । आ॒र॒ण्यम् । अ॒न्वि॒ति॑ । ते॒ । दि॒शा॒मि॑ । ते॒न॑ । चि॒न्वा॒नः॑ ।
त॒नुवः॑ । नी॒ति॑ । सी॒द ॥ वा॒त॒स्य॑ । ध्रा॒जि॒म् ॥ व॒रु॒ण॒स्य॑ । ना॒भि॒म् ॥
अ॒श्व॒म् ॥ ज॒ज्ञा॒न॒म् । स॒रि॒र॒स्य॑ । म॒द्ध्ये॑ ॥ शि॒शु॒म् । न॒दी॒ना॒म् ।
ह॒रि॒म् ॥ अ॒द्रि॒बु॒द्ध॒मि॒त्य॒द्रि॑ – बु॒द्ध॒म् । अ॒ग्ने॑ ॥

मा । हि॒॒सीः॑ । 42 (50)

TS 4.2.10.2

प॒र॒मे॑ व्यो॒म॒न् ॥

इ॒मं मा॑ हि॒॒सी॒रे॒क॒श॒फं॑ प॒शू॒नां॑ क॒नि॒क्र॒दं॑ वा॒जि॒नं॑ वा॒जि॒ने॒षु॑ ।
गौ॒र-मा॒र॒ण्य-म॒नु॑ ते दि॒शा॒मि॑ ते॒न॑ चि॒न्वा॒न॒स्त॒नु॒वो॑ नि॒ षी॑द ॥
अ॒ज॒स्र-मि॒न्दु-म॒रु॒षं॑ भु॒र॒ण्यु॒म॒ग्नि॒मी॒डे॑ पू॒र्व॒चि॒त्तौ॑ न॒मो॒भिः॑ ।
स प॒र्व॒भिर्ऋ॒तु॒शः॑ क॒ल्प॒मा॒नो॑ गां मा॑ हि॒॒सी॒र॒दि॒तिं॑ वि॒रा॒जं॑ ॥
इ॒मं॑ स॒मु॒द्रं॑ श॒त॒धा॒र॒मु॒थ्सं॑ व्य॒च्य॒मा॒नं॑ भु॒व॒न॒स्य॑ म॒द्ध्ये॑ ।
घृ॒तं दु॒हा॒ना॒म॒दि॒तिं॑ ज॒ना॒या॒ग्ने॑ मा – [] 43

TS 4.2.10.2 - Padam

प॒र॒मे॑ । व्यो॒म॒न्नि॒ति॑ वि – ओ॒म॒न् ॥ इ॒म॒म् । मा॑ । हि॒॒सीः॑ ।
ए॒क॒श॒फ॒मि॒त्ये॒क – श॒फ॒म् । प॒शू॒ना॒म् । क॒नि॒क्र॒द॒म् ।

वा॒जिन॑म् । वा॒जिने॑षु ॥ गौ॒रम् । आ॒र॒ण्यम् । अ॒न्वि॒ति॑ । ते॒ । दि॒शा॒मि॑ ।
 ते॒न॑ । चि॒न्वा॒नः॑ । त॒नुवः॑ । नी॒ति॑ । सी॒द ॥ अ॒ज॒स्र॑म् । इ॒न्दु॑म् ।
 अ॒रु॒षम् । भु॒र॒ण्यु॑म् । अ॒ग्नि॑म् । ई॒डे॑ । पू॒र्वचि॑त्ता॒वि॒ति॑ पू॒र्व – चि॒त्तौ॑ ।
 नमो॑भि॒रिति॑ नमः॑ – भिः॑ ॥ सः॑ । प॒र्वभि॑रिति॒ पर्व॑ – भिः॑ ।
 ऋ॒तु॒श इ॒त्यृ॒तु – शः॑ । क॒ल्प॑मानः । गा॒म् । मा॒ । हि॒॒सीः॑ ।
 अ॒दि॒ति॑म् । वि॒रा॒ज॒मि॒ति॑ वि – रा॒ज॑म् ॥ इ॒म॑म् । स॒मु॒द्र॑म् ।
 श॒त॒धा॒र॒मि॒ति॑ श॒त – धा॒र॑म् । उ॒थ्स॑म् । व्य॒च्य॑मा॒न॒मि॒ति॑
 वि – अ॒च्य॑मा॒न॑म् । भु॒व॒न॒स्य॑ । म॒द्ध्ये॑ ॥ घृ॒त॑म् । दु॒हा॒ना॑म् ।
 अ॒दि॒ति॑म् । ज॒ना॒य॑ । अ॒ग्ने॑ । मा॒ । 43 (50)

TS 4.2.10.3

हि॒॒सीः॑ प॒र॒मे॑ व्यो॒म॒न् ।
 ग॒व॒य-मा॒र॒ण्य-म॒नु॑ ते दि॒शा॒मि॑ ते॒न॑ चि॒न्वा॒न॒स्त॒नु॒वो॑ नि॒ षी॑द ॥
 व॒रू॒त्रिं॑ त्वष्टु॒र्व॒रु॒ण॒स्य॑ ना॒भि॒म॒विं॑ ज॒ज्ञा॒नां॑ र॒ज॒सः॑ प॒र॒स्मात्॑ ।
 म॒हीं॑ सा॒ह॒स्री॑म॒सु॒र॒स्य॑ मा॒या॒म॒ग्ने॑ मा॒ हि॒॒सीः॑ प॒र॒मे॑ व्यो॒म॒न् ॥
 इ॒मा॒मू॒र्णा॒युं॑ व॒रु॒ण॒स्य॑ मा॒यां॑ त्व॒चं॑ प॒शू॒नां॑ द्वि॒प॒दां॑ च॒तु॒ष्प॒दां॑ ।

त्वष्टुः प्रजानां प्रथमं जनित्रमग्ने मा हिंसीः परमे व्योमन् ।

उष्ट्र-मारण्य-मनु - [] 44

TS 4.2.10.3 - Padam

हिंसीः । परमे । व्योमन्निति वि - ओमन् ॥ गवयम् । आरण्यम् ।
 अन्विति । ते । दिशामि । तेन । चिन्वानः । तनुवः । नीति । सीद ॥
 वरून्निम् । त्वष्टुः । वरुणस्य । नाभिम् । अविम् । जज्ञानाम् ।
 रजसः । परस्मात् ॥ महीम् । साहस्रीम् । असुरस्य । मायाम् ।
 अग्ने । मा । हिंसीः । परमे । व्योमन्निति वि - ओमन् ॥ इमाम् ।
 ऊर्णायुम् । वरुणस्य । मायाम् । त्वचम् । पशूनाम् । द्विपदामिति
 द्वि - पदाम् । चतुष्पदामिति चतुः - पदाम् ॥ त्वष्टुः । प्रजानामिति
 प्र - जानाम् । प्रथमम् । जनित्रम् । अग्ने । मा । हिंसीः । परमे ।
 व्योमन्निति वि - ओमन् ॥ उष्ट्रम् । आरण्यम् । अन्विति । 44 (50)

TS 4.2.10.4

ते दिशामि तेन चिन्वानस्तनुवो नि षीद ॥

यो अग्निरग्नेस्त-पसोऽधि जातः शोचात् पृथिव्या उत वा
 दिवस्परि ।

येन॑ प्र॒जा वि॒श्वकर्मा॑ व्या॒नट् तम॑ग्ने हे॒डः परि॑ ते वृ॒णक्तु॑ ॥
 अजा॑ ह्यग्ने॒रजनि॑ष्ट गर्भा॒त् सा वा अप॑श्यज्जनि॒तारम॑ग्रै ॥
 तथा॑ रो॒हमाय॑न्नुप॒ मेद्ध्या॑सस्तया॒ देवा॑ दे॒वता॑मग्र॒ आयन् ॥
 शर॑भ- () - मा॒रण्यम॑नु॒ ते दि॒शामि॑ तेन॒ चिन्वा॑नस्त॒नुवो॑ नि षी॒द ॥ 45

TS 4.2.10.4 - Padam

ते॑ । दि॒शामि॑ । तेन॑ । चिन्वा॒नः । त॒नुवः॑ । नी॒ति । सी॒द ॥ यः ।
 अ॒ग्निः । अ॒ग्नेः । तप॑सः । अधी॑ति । जा॒तः । शो॒चात् । पृ॒थिव्याः॑ ।
 उ॒त । वा । दि॒वः । परि॑ ॥ येन॑ । प्र॒जा इति॑ प्र - जाः । वि॒श्वकर्मे॑ति
 वि॒श्व - क॒र्मा । व्या॒नडि॑ति वि - आ॒नट् । तम् । अ॒ग्ने । हे॒डः ।
 प॒रीति॑ । ते॑ । वृ॒णक्तु॑ ॥ अजा॑ । हि । अ॒ग्नेः । अज॑निष्ट । गर्भा॒त् ।
 सा । वै । अप॑श्यत् । ज॒नि॒तार॑म् । अ॒ग्रै ॥ तथा॑ । रो॒हम् । आ॒यन् ।
 उ॒पेति॑ । मेद्ध्या॑सः । तथा॑ । दे॒वाः । दे॒वता॑म् । अ॒ग्रै । आ॒यन् ॥
 शर॑भम् () । आ॒रण्य॑म् । अ॒न्विति॑ । ते॑ । दि॒शामि॑ । तेन॑ ।
 चिन्वा॑नः । त॒नुवः॑ । नी॒ति । सी॒द ॥ 45 (59)

(अग्ने॑ मा हि॒प्सी॑ – रग्ने॑ मोष्ट्र॑मा – रण्यम॑नु – शर॑भन्
– नव॑ च) (A10)

Special Korvai

(आ॒दि॒त्य॒ मि॒म॒न्दि॒पादे॑ म॒युं वा॑त॒स्या श्च॑ मि॒म मे॑क॒शाफ॑ झ्रौ॒रम॑
ज॒स्र॒ङ्ग॒वयं॑ व॒रू॒त्रि॒ मवि॑ मि॒मामू॑र्णार्॒यु मुष्ट्रं॑ यो अ॒ग्निः श॑र॒भं)

TS 4.2.11.1

इन्द्रा॑ग्नी॒ रो॒चना॑ दि॒वः॑ परि॒ वा॒जे॒षु॑ भूष॒थः॑ ।
तद् वां॑ चेति॒ प्र वी॑र्यं ॥
श्ज॑थद्-वृ॒त्रमु॑त॒ स॒नोति॑ वा॒जमिन्द्रा॑ यो अ॒ग्नी स॑हु॒री स॒पर्यात्॑ ।
इ॒र॒ज्यन्ता॑ व॒सव्य॑स्य॒ भूरेः॑ स॒हस्त॑मा स॒हसा॑ वा॒जय॑न्ता ॥
प्र च॑र्ष॒णिभ्यः॑ पृ॒तना॑ ह॒वेषु॑ प्र पृथि॒व्या रि॑रि॒चाथे॑ दि॒वश्च॑ ।
प्र सि॑न्धु॒भ्यः प्र गि॑रि॒भ्यो म॑हि॒त्वा प्रेन्द्रा॑ग्नी॒ विश्वा॑ भु॒वना॑ऽत्य॒न्या ॥
म॒रुतो॑ यस्य॒ हि – [] 46

TS 4.2.11.1 - Padam

इन्द्रा॑ग्नी॒ इतीन्द्र॑ – अ॒ग्नी । रो॒चना॑ । दि॒वः । परि॑ति । वा॒जे॒षु ।
भूष॒थः ॥ तत् । वा॒म् । चेति॑ । प्रेति॑ । वी॒र्य॑म् ॥ श्ज॑थत् । वृ॒त्रम् ।

उ॒त । स॒नो॒ति॒ । वा॒ज॒म् ॥ इन्द्रा॑ ॥ यः । अ॒ग्नी॑ इति । स॒हुरी॑ इति
स – हु॒री । स॒पर्या॑त् ॥ इ॒रज्य॑न्ता ॥ व॒स॒व्य॑स्य । भू॒रेः ॥ स॒ह॒स्त॒मेति॑
स॒हः – त॒मा । स॒ह॒सा । वा॒ज॒य॒न्तेति॑ वा॒ज – य॒न्ता ॥ प्रेति॑ ।
च॒र्ष॒णिभ्य॑ इति च॒र्ष॒णि-भ्यः॑ । पृ॒त॒ना । ह॒वेषु॑ । प्रेति॑ । पृ॒थि॒व्याः ।
रि॒रि॒चा॒थे इति॑ । दि॒वः । च ॥ प्रेति॑ । सि॒न्धु॑भ्य इति सि॒न्धु – भ्यः॑ ।
प्रेति॑ । गि॒रि॒भ्य इति॑ गि॒रि – भ्यः॑ । म॒हि॒त्वेति॑ म॒हि – त्वा । प्रेति॑ ।
इन्द्रा॑ग्नी इतीन्द्र – अ॒ग्नी । वि॒श्वा ॥ भु॒व॒ना । अ॒तीति॑ । अ॒न्या ॥
म॒रु॒तः । य॒स्य॑ । हि । 46 (50)

TS 4.2.11.2

क्ष॒ये पा॒था दि॒वो वि॒म॒ह॒सः ।

स सु॒गो॒पा॒त॒मो॒ जनः॑ ॥

य॒ज्ञैर्वा॑ य॒ज्ञ॒वा॒ह॒सो वि॒प्र॒स्य॑ वा म॒ती॒नां ।

म॒रु॒तः शृ॒णु॒ता ह॒वं ॥

श्रि॒य॒से कं॑ भा॒नु॒भिः सं मि॑मि॒क्षि॒रे ते र॒श्मि॑भि॒स्त ऋ॒क्व॑भिः सु॒खा॒दयः॑ ।

ते वा॒शी॑म॒न्त इ॒ष्मि॒णो॒ अभी॑र॒वो वि॒द्रे प्रि॒य॒स्य॑ मा॒रु॒त॒स्य॑ धा॒म्नः॑ ॥

अव॑ ते हे॒ड उदु॑त्त॒मं ॥

कया॑ नश्चि॒त्र आ भुव॑दू॒ती सदा॑वृ॒धः सखा॑ ॥

कया॑ श॒चि॒ष्ठया॑ वृ॒ता ॥ 47

TS 4.2.11.2 - Padam

क्षये॑ । पाथ॑ । दिवः॑ । वि॒म॒ह॒स इति॑ वि – म॒ह॒सः ॥ सः ।

सु॒गो॒पा॒त॒म इति॑ सु॒गो॒प – त॒मः । ज॒नः ॥ य॒ज्ञैः । वा । य॒ज्ञ॒वा॒ह॒स

इति॑ य॒ज्ञ – वा॒ह॒सः । वि॒प्र॒स्य । वा । म॒ती॒ना॒म् ॥ म॒रु॒तः । शृ॒णु॒त ।

हव॑म् ॥ श्रि॒य॒से॑ । क॒म् । भा॒नु॒भि॒रि॒ति भा॒नु – भिः॑ । स॒मि॒ति ।

मि॒मि॒क्षि॒रे । ते । र॒श्मि॒भि॒रि॒ति र॒श्मि – भिः॑ । ते ।

ऋ॒क्व॒भि॒रि॒त्यृ॒क्व – भिः॑ । सु॒खा॒द॒य इति॑ सु – खा॒द॒यः ॥ ते ।

वा॒शी॒म॒न्त इति॑ वा॒शि – म॒न्तः । इ॒ष्मि॒णः । अ॒भी॒र॒वः । वि॒द्रे ।

प्रि॒य॒स्य । मा॒रु॒त॒स्य । धा॒म॒नः ॥ अ॒वे॒ति । ते । हे॒डः । उ॒दि॒ति ।

उ॒त्त॒म॒मि॒त्यु॒त् – त॒म॒म् ॥ कया॑ । नः॑ । चि॒त्रः । ए॒ति । भुव॑त् ।

ऊ॒ती । सदा॑वृ॒ध इति॑ सदा॑ – वृ॒धः । सखा॑ ॥

कया॑ । श॒चि॒ष्ठया॑ । वृ॒ता ॥ 47 (50)

TS 4.2.11.3

को अद्य युङ्क्ते धुरि गा ऋतस्य शिमीवतो भामिनो दुर्हणायून् ।
 आसन्निषून् हृथ्स्वसो मयोभून्. य एषां भृत्यामृणधत् स जीवात् ॥
 अग्ने नयाऽऽ देवानां शन्नो भवन्तु वाजेवाजे ॥
 अफस्वग्ने सधिष्टव सौषधीरनु रुद्ध्यसे ।
 गर्भे सञ्जायसे पुनः ॥
 वृषा सोम द्युमां असि वृषा देव वृषव्रतः ।
 वृषा धर्माणि दधिषे ॥
 इमं मे () वरुण तत्त्वा यामि त्वं नो अग्ने स त्वं नो अग्ने ॥ 48

TS 4.2.11.3 - Padam

कः । अद्य । युङ्क्ते । धुरि । गाः । ऋतस्य । शिमीवतः । भामिनः ।
 दुर्हणायूनिति दुः – हणायून् ॥ आसन्निषूनित्यासन् – इषून् ।
 हृथ्स्वस इति हृथ्सु – असः । मयोभूनिति मयः – भून् । यः ।
 एषाम् । भृत्याम् । ऋणधत् । सः । जीवात् ॥ अग्ने । नय । एति ।
 देवानाम् । शम् । नः । भवन्तु । वाजेवाज इति वाजे – वाजे ॥
 अफिस्वत्यप्- सु । अग्ने । सधिः । तव । सः । ओषधीः ।

अ॒न्वि॒ति॑ । रु॒द्ध्य॒से ॥ गर्भे॑ ॥ स॒न् । जा॒य॒से । पु॒नः ॥ वृ॒षा ॥ सो॒म ।
द्यु॒मा॒नि॒ति॑ द्यु॒-मा॒न् । अ॒सि॒ । वृ॒षा ॥ दे॒व । वृ॒ष॒व्र॒त इति॑ वृ॒ष-व्र॒तः ॥
वृ॒षा ॥ ध॒र्मा॒णि । द॒धि॒षे ॥ इ॒मम् । मे () । व॒रु॒ण । तत् । त्वा ।
या॒मि । त्वम् । नः । अ॒ग्ने । सः । त्वम् । नः । अ॒ग्ने ॥ 48 (61)
(हि - वृ॒ता - म - ए॒का॒द॒श च) (A11)

=====

पद पाठे (वाक्य सहित) – चतुर्थकाण्डे – द्वितीयः प्रश्नः

Prasna Korvai with starting Padams of 1 to 11 Anuvaakams :-

(विष्णोः॑ क्रमो॑ऽसि – दि॒वस्प – र्यन्न॑पते – ऽपे॑त – समि॑तं –
या॑ जा॒ता – मा नो॑ हि॒ऽसी – द॒भ्य॑स्थाद् – ध्रु॒वा – ऽस्या॑दि॒त्यङ्ग॑र्भ
– मि॒न्द्रा॑ग्नी रोच॑ – नैका॑दश)

Korvai with starting Padams of 1, 11, 21 Series of Panchaatis :-

(विष्णो॑ – रस्मिन् ह॒व्ये – ति॑ त्वा॒ऽहं – धी॒ति॒भि – हो॑त्रा –
अ॒ष्टा॑च॒त्वारि॑ऽशत्)

First and Last Padam of Second Prasnam of 4th Kandam

(विष्णोः॑ क्रमो॑ऽसि – त्वन्नो॑ अ॒ग्ने स॑ त्वन्नो॑ अ॒ग्ने)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे चतुर्थ काण्डे द्वितीयः प्रश्नः

समाप्तः ॥

पद पाठे (वाक्य सहित) – चतुर्थकाण्डे – द्वितीयः प्रश्नः

Details of Panchati and Padam for Kandam 4 , Prasanam 2 – (TS 4.2)

	Panchati	Padams
Anuvakam 1	5	266
Anuvakam 2	4	204
Anuvakam 3	4	216
Anuvakam 4	4	198
Anuvakam 5	6	322
Anuvakam 6	5	268
Anuvakam 7	4	189
Anuvakam 8	3	161
Anuvakam 9	6	304
Anuvakam 10	4	209
Anuvakam 11	3	161
Total →	48	2498

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in